

陝西藝文志

卷

七六五



陝西藝文志卷五

續修陝西通志稿卷一百八十七

藝文五

外編一

省府廳州縣志書一

陝西全省通志三十二卷清康熙間陝西巡撫曲沃賈漢復等修  
秦省通志聘取八府及各處名流纂修五載方始告竣今同闡  
司張夢椒咸寧令黃家鼎長安令梁禹甸公議將志版收儲尊  
經閣著西安府儒學教授經管上交代印信簿籍如有損失責  
在經管教官列入志內永垂不朽至於關中書院坐落咸寧地  
方今既重修其間公堂正舍以爲作養士子講學課業之所儀  
門外左右房屋許本省士大夫往來停驂地方官不得借爲公  
館一切遊客不得擅自居停衙役市棍不得混入騷擾作踐房  
舍如有不遵前約執此赴督撫兩臺稟究決不輕貸誠恐日久

廢弛議令咸寧縣并三學教官經管諸人不得爭論俱應入志

永垂不磨康熙七年三月十五日巡撫賈親筆

附約言

按是志創於明成化乙未其後嘉靖辛丑萬歷辛亥兩修之順治戊戌曲沃賈公撫豫曾修豫志及壬寅撫秦以前志雖有稿本而未成書遍檄八郡哀聚掌故招集英彥芟繁就簡黜陋存雅而後授梓殆踵豫志之體例而更稱美備者也

西安府志八十卷清乾隆間知府任邱舒其紳修

按府志舊有王紹徽撰本以其閹黨故其書不存乾隆丙申中丞畢沅入覲特奏重修西安府志上俞所請旌節旋轅諭首郡太守田錫莘排纂江寧嚴侍讀長明武進莊州倅忻佐之未幾田守捐館舒其紳蒞任因侍讀長編早竟囑其甄綜史例篇次卷帙爲門一十有五首天章次地理次名山大川次建置次

食貨次學校次職官次人物次選舉次大事次古蹟次藝文次  
金石次拾遺分類五十有一統計成書八十卷經始於乾隆丙  
申秋仲告成於己亥冬初後先四載畢中丞序稱文既簡要事  
復賅綜具程大昌之博議而謝其繁蕪擅何景明之雅材而加  
以典實蓋侍讀讀書破萬卷故能衷百論以貫三長也

長安縣志三十六卷清嘉慶間知縣桐城張聰賢修

按長安志昉於明萬歷四十三年知縣李華然時工部尙書馮  
從吾以御史家居爲撰定刊行遭李自成亂散失清康熙初知  
縣梁禹甸求得舊本更加附益都爲八卷一地理二建置三貢  
賦四官師五選舉六封建七人物八雜記至嘉慶十六年知縣  
張聰賢延陽湖董曾臣重修凡三十編圖四表四志十二傳十  
都三十六卷大要叙疆理而省名勝錄政典而芟稗野昏明早

晚標農事之準而星土不書城郭宮室述規畫之方而景物從節詞賦小技則退題詠而進經籍二氏曲學則畧釋老而詳藝術所有逸事異聞語怪無徵皆所不取蓋體沿史法不盡倣圖經也

咸寧縣志八卷清康熙間知縣潁上黃家鼎修

按咸寧舊無志至明萬歷時北海陳公始修之康熙七年都御史賈公有修志之檄家鼎多方搜集獲陳志二卷補續成草以備通志採摭及竣遺落又半更爲編纂是書始星輿訖藝文爲卷凡八自分野至志銘爲目九十有九質以殘本參以經傳證以詩史續以繼起更以跋涉訪以故老存其是者刈其非者辨其似是而非似非而是者撥之灰燼之餘歷以寒暑之久家鼎自序有云以不敢誣古之心不敢自誣即以不敢自誣之心並

不敢誣後人以云簡則簡矣以云能括則未也以云未詳則有之以云未眞庶幾免矣况善善長而惡惡短尤夙志哉

咸寧縣志二十六卷清嘉慶間知縣靜海高廷法江寧沈琮修

按咸寧志依史圖表志傳例圖二首疆域山川經緯道里城郭坊社次歷代疆域水道城郭宮室名勝表三首紀事沿革次職官次選舉志八首地理次田賦次祠祀次衙署次學校次陵墓次經籍次金石傳十首良吏次列傳次忠節次孝友次義行次儒學次文藝次隱逸次方技次列女圖以開方經緯爲主自城社山谷歷代疆域古渠舊城悉具於圖圖系以考與志相表裏惟地平經緯恆以二百里差一度咸寧境之錯入他縣中者至三百餘里之遠晨昏晝夜皆有積差遵西域圖志載晷度例作縣境經緯圖而刪星野山原脉絡水道原委地理志綜其大綱

仍於各社圖後分註始末南山溪谷錯雜道里紆迴則依山脈自西而東繪爲長途其磨溝龍王廟溝錯入鎮安藍田者別附於後考據古蹟必實指某地某村不依方志僅云在縣某方或言某方幾里隋唐京城制度悉本宋敏求長安志三內禁苑悉本元李好文長安圖至宮殿方位間有舛訛諸坊錯漏則以六典唐書及百家傳說互爲攷證具之於圖仍錄原文於考中唐城今城合繪一圖以朱墨別之宋金元城與今城大同小異分爲圖考明城則除駐防外悉與今同不更圖城南古蹟最多據宋張茂中記爲圖趙惻與張記相表裏亦並錄之紀年不純用甲子科目必書某年遵史例也戶口舊附田賦自康熙恩詔後續生人丁作爲盛世滋生冊永不加賦而戶口與田賦分而爲一二保甲之法以地統人至爲核實則以嘉慶二十一年保甲冊



爲準附入地理志而田賦志內惟載舊時丁額亦遵史例也藝文無裨世道雖美勿彰則依宋羅願新安志例附藝文於各條不另立名目惟有關典章制度及風俗人心者得載經籍志內傳首良吏爲官斯土者勸先賢先達以列傳統之其忠節等仍如史例分傳數世同居者列孝友傳其親見七代五代者類及焉邑人未論定者不入傳惟節婦例得旌表者或專傳或合傳以時代爲次耆民葆性養眞附之隱逸壽婦入列女傳此發凡起例之大要其編輯則武進陸耀適陽湖董祐誠也

咸陽縣志二十二卷清乾隆間知縣臧應桐修

按咸陽志創自明宏治七年邑令趙璉爲書十卷分八綱清順治九年江令山秀重修之中歷蕭令如蕙黃令中璜至康熙四十二年張令枚先後接踵釐爲四綱四卷體製似覺謹嚴然實

陝西通志卷五  
多率漏乾隆十六年東海臧令蒞任延集邑紳分門採訪同心  
訂較閱春夏十旬之功繪圖七提綱十八列目九十有七分卷  
二十二張方伯若震爲之序

興平縣志八卷清雍正間知縣桐城胡蛟齡撰

按興平志明嘉靖中蜀章斗陽先生所編清順治十六年知縣  
禾水徐開熙重修之但沿訛實多如第一卷沿革條內蒯城係  
晉泰始中所置而刊作薊城稷州係唐武德初所置而刊作魏  
州黃初係魏文帝而刊作英初大足係唐武后年號而刊作大  
定又八政以食爲首養而後教宜有次第徐志八卷禮制第三  
食貨居七官師居四藝文以唐千福寺碑爲首而司馬相如董  
仲舒諸作反在其後皆體例之可議者蛟齡雍正十年與邑人  
劉大年程宣楊如龍商推以舊志爲經分門別類次第連綴兩

閱月告成建置後即次田賦移官師於第五在田賦禮制後藝文以時代爲先後謂孔廟爲文治之源興作豈可無紀涇陽魏公武功張公二碑記立在學宮典則詳贍特用冠首以崇教化次釋門神廟次古今忠孝名人次山川勝跡時事卷帙頗多釐爲上下則仍舊志例焉

興平縣志二十五卷清知縣元和顧聲雷撰

今興平之地爲西漢置縣之始者曰槐里縣孝武帝又於槐里之茂鄉起陵置縣曰茂陵縣孝昭帝亦起陵於槐里曰平陵置平陵縣或謂在今之咸陽然據杜佑通典曰廢邱漢高帝改名槐里武帝割置茂陵縣有武帝茂陵昭帝又割其地置平陵縣有昭帝平陵此說顯然可據魏文帝改平陵縣爲始平縣唐改始平縣爲興平縣今沿其名置縣旣多鄉賢燦著又漢時每徙

陝西藝文志 卷五  
他郡豪傑貲財大戶以實其地故茂陵平陵二縣僑寓之人亦最衆多詳采正史臚列可觀並匪出於假借附會舊志最先之本不傳今所傳惟乾隆元年所纂本閱今四十餘年一切建置多有不同官師科名亦有未詳余故令重爲采輯成書二十五

卷較舊志殊稱美備焉

畢沅序

興平士女續志三卷清光緒間知縣伏羌王權撰

同治之元訖於丁卯口回迭寇邑境義士健兒持白梃角劇寇至剖胸決脰不反顧儒冠抗節巾幗死烈者尤衆朝廷頻詔訪求大府設局彙報甲戌秋杪權捧檄承乏越明年延舉人張炯等分途探訪先後報局彙詳奏請得旨旌卹者男女共二千三百六十一人建坊入祠以次舉行事竣探訪羣士相聚謀曰州縣之志所以備故實示勸懲也然天文地理賦役職官第資考

證前志具備可無多贅惟人物一門風化所繫數十年不續即有散佚放失之懼邑疊遭兵燹士女效忠赴義磊磊多奇蹟不及今編輯成書大節盛美久將日就淪沒可若何以編纂推權權念發潛翊教長令職也義不可卻乃以公暇整齊纂述列男女死事者於前而次卓行可傳者於後凡爲忠節傳一孝義傳一文學傳一列女傳上下各一編爲三卷題曰興平縣士女續志附邑志後嗟呼節義非以求名也而造物者必以名報之然其得傳與否若又有數存焉明季流寇之亂蔓延十餘載邑志僅載三烈婦罵賊死者二赴井者一今此書列傳紀死節之士百七十九人女八十一人其無事實附見姓名者又數百人何今昔之懸殊哉吾以知前世之殉節而失傳者衆也豈非長民者之責耶然陵谷遷轉父老彫零語焉不詳聞焉罕證即此書

陝西藝文志 卷五  
所遺漏尙不知凡幾也悲夫

序自

鄠縣新志六卷清乾隆間武功孫景烈編

序目云志法首地理次建置古今作者大較然矣地之山川形勝天作也而疆域古蹟亦茲地已具者述地理第一城郭學校官廨神祠均地理中建置事述建置第二諸建置爲民也民以田爲生有田則有賦故田賦編次第三教養斯民者官師也故官師編次第四官師能移風易俗故第五曰風俗風俗成而人物興故第六曰人物人物多以選舉顯故編次選舉第七懼其疏也以雜記終焉凡八篇而斯邑之志其庶幾足徵矣乎

序自

按新城王阮亭云近世郡縣志無逾秦者以其文簡事覈猶有黃圖決錄之遺而於康對山武功志外即推王泮陂鄠志洵鉅識也但自萬歷丙申濮州王九皋蒞任繼王太史修志以詳爲

貴而太史原志版遂失傳矣莒州劉璞知縣事又著鄆志凡爲卷十一爲目四十有四大要增於王太史者十之五而損於王令尹者十之六中南敦物山人趙曰睿云劉續可嗣響漢陂乾隆甲午江寧汪以誠蒞鄆以漢陂創志後續修者毀其原刻屢續而屢失其法以爲鄆志宜作而不可再續次年聘武功孫酉峰太史主講明道書院兼任修志酉峰年逾古稀自丙申春二月操觚至冬十有一月脫稿辭講席歸仍挾志稿重經筆削漸次寄鄆且囑就正秋帆畢中丞而後付梓志凡八篇其文簡以馴其事覈以括其法之有倫如一篇焉觀序目亦思過半顧其義例又各詳見諸篇中非澈始終觀之恐未易知其精蘊也

藍田縣志十六卷清光緒間知縣陽湖呂懋勳修

按藍田志雍正八年縣令李元昇纂修嘉慶元年馬令學賜續

陝西通志卷五十一  
修道光十九年胡令元煥又修之至光緒元年呂令懋勳增修  
之卷帙次第條例後先一仍其故惟以灞澮各源舊說輻輳邑  
主事袁廷俊生長鄉邦諳練故實身任總修乃徒步裹糧褰裳  
披莽由委窮源而正之昔人云百聞不如一見尤足信今傳後  
補前志之未詳至天文刪填星掩鉞熒惑入東井二事特作地  
平高弧表以明授時之準地理仿圖經例以圖冠首圖後有注  
縣境全圖二十里山脈道里皆用開方惟水勢曲折非開方所  
能盡故川脈不用開方沿革紀事年經月緯合爲一表古蹟風  
土統諸土地志金石前志所無不憚搜羅以補其闕洵可謂爾  
雅於古潤澤於今者矣

臨潼縣志六卷清乾隆間知縣山右史傳遠修

按臨潼志宋元以前作者俱不傳明有司訓樊玠志邑尙書武



之望志清初有邑庠生高鸞翔志舉人米調鼎志然皆散失無  
攷惟知縣趙于京號香陂山東歷城舉人名宦傳稱其纂修邑  
志詳畧得宜其志序云承乏於茲載書數篋自隨蒞事三載凡  
所披覽有關於潼者輒標記加白帖日積既多康熙辛巳夏五  
月農忙官閒手草星野建置山川古蹟諸門劉考功魯如見而  
欣賞而張子潛谷申子若山張秀才宏璧復採訪參酌又康子  
太乙適自鄆杜間來留與共訂成十志共八卷乾隆四十一年  
武鄉史伯猷履任以趙志惟華清記最爲詳密其他未免稍畧  
如縣治沿革名雖具列而源流分合及實在各處所皆未分條  
指晰讀者茫然乃延崑山徐德諒平湖楊應棟兩名流並邑知  
名士相與遠稽博訪上自正史旁及諸記下逮舊聞凡有關志  
事者無問鴻纖俾各收錄規模悉遵趙舊惟即其所未載及載

而弗詳者依類尋討端委必盡耳

臨潼縣續志四卷清光緒間邑人楊彥修及旌德譚慶修

按續志以縣治沿革山川故蹟前志已備無庸復敍惟同治建元兵燹頻仍鄉人士忠節義烈幽晦未彰搜輯必周堡寨倉儲學校前所畧者必令精核纖細可稽至測繪晷度及太陽距地度數日景長短亦較他志爲詳洵志地之善者也

渭南縣志八卷清雍正間知縣鹽亭岳冠華修

按渭南志始於嘉靖辛丑圖二表四考五傳七凡一十八卷邑人知府南元善纂萬歷庚寅參議南軒續之爲目一十有二天啟辛酉尙書南師仲續之皆南氏子姪纂父祖之書也清順治丙申知縣尙九遷陸贊奇先後聘邑人通判朱可衿舉人劉懿宗增修雍正八年詔天下纂修通志冠華公餘加意采訪廣爲

搜羅合前志共八卷綱十有二目九十有七其中疆域戶口風俗物產俱本舊志而增益之至人物傳中分類編次另爲標題其名宦鄉賢貞女節婦新列祠祭者詳著於編書成上諸志館監司沈青崖贊善錢陳羣悉爲之序

渭南縣志十八卷清道光間知縣靈石何耿繩修

按乾隆四十二年知縣江甯汪以誠曾纂渭南志成若干卷畢中丞沅序之稱其甄錄繁多文成簡要於古不背於今實詳仿之明南志清岳志幾駸駸乎軼而上之道光九年耿繩以喀什噶爾旣平張格爾就擒干戈旣定適桐城姚姬傳子舉人庚甫景衡至因延司纂訂以江甯庠生于印川春江副之半載竣事爲圖十有二表六考十有二傳九共十八卷沿革表暨考傳成諸姚圖及職官諸表成諸于者也其自序有云南山多寄寓之

陝西藝文志 卷五  
九一  
岷濱渭嚴漢回之別今昔不無少異以椎魯無知之民敢肆其  
桀驁之性其所以教焉者非其道耳古者無異教亦無異學治  
之者必使之皆出於一出於一則良生而氣柔氣柔則不競良  
生則相親夫然後蒸蒸大同無所謂猜忌觸犯云云以咸豐間  
事驗之何令洵知治本哉

渭南縣續志十二卷清光緒間邑人焦聯甲修

聯甲同治甲子順天鄉試舉人以咸同間各匪煽亂蹂躪殆遍  
忠臣義士貞烈婦女罹鋒刃填溝壑者難更僕數而祠祀田賦  
戶口官師人物以及政事文章莫不佚亡殆盡乃邀同邑主事  
賀壽齡等採訪編輯漸次脫稿復載以渡河質之予告大學士  
朝邑閣公荷蒙筆削而渭志告成知縣嚴書麟敘其緣起爲綱  
十有二首輿圖次輿地次建置次祠祀次食貨次官師次選舉

次人物次節烈次藝文次雜志次修志源流目凡百條依類增輯並取輿圖館所繪渭河出入縣境圖說附錄以補地志所未盡閻相國又爲之敘時光緒十七年也

盩厔縣志十四卷清乾隆間知縣新城楊儀修

按盩厔志創自明嘉靖邑人王三聘以土地人民政事爲綱目則一十有五號兩曲志至清康熙雍正間知縣駱鍾麟章泰董霑相繼續修乾隆己巳洎陽鄒儒蒞任將一切邑事見諸卷帙者悉爲收羅補入共分前後十五卷乾隆五十年儀以卷中百年來蕪詞贗蹟盩蹊日甚又去鄒令時已三十年其間水利之通塞物產之登耗賦役之去存以及職官選舉人物類須增益別僞存眞因創兼有漸臻美備矣

醴泉縣志十四卷清乾隆間知縣陽湖蔣騏昌修

按醴志自明萬曆己亥訓導嘉祥夾璋編輯至崇禎戊寅邑人苟侍御好善本此修志清康熙三十八年知縣錢塘裘陳佩修之乾隆十七年知縣泰州宮燿亮又修之癸卯騏昌蒞任延陽湖孫星衍共撰之卷一縣屬鄉屬卷二山屬水屬水利卷三陵墓卷四廟屬卷五官屬表卷六戶口賦稅卷七學校兵卷八聞人卷九列女卷十科貢等表卷十一金石卷十二舊聞卷十三藝文卷十四序錄圖八章畢中丞沅序云一方之志始於越絕後有常璩華陽國志越絕先紀山川城郭冢墓次以紀傳華陽國志則有郡縣廢置李吉甫元和郡縣志樂史太平寰宇記體例最善吉甫則不引古書樂史全用舊說尤廣異聞而有土產人物其後善者則宋敏求長安志羅願新安志等關中地大物博宜有善志而世所傳康海武功志韓邦靖朝邑志皆以意排

纂漫無體例由明世書傳少出學士大夫爭以空言相尙不重舊聞無足怪焉醴泉漢爲谷口後漢至晉則入池陽池陽又兼今涇陽地舊之作志疆域不分則故實雜廁又昭陵陪葬凡百其人文獻通考及昭陵圖長安志等傳寫名字尙有烏焉何況俗志古時金石凡有百通存者不下數十好古之士不由親歷考訂亦難於是縣之士民懼舊典之佚墜喜新政之可記請修志乘以示將來蔣令騏昌申上其事予嘉而許之古之大夫誦詩授政是以登高能賦遇物能名觀今志所採有唐會要新舊唐書十七史地志李吉甫杜佑樂史等志前之作者皆未之及也若昭陵在縣境予向請帑修葺又飭常加築護具有石碣建立碑亭近又東西豎碑紀列所存名位及志冢墓丈尺將使後人守而勿壞惡可以不志

三原縣新志八卷清光緒間邑人賀瑞麟修

按原志凡四修舊志有明成化時毘陵朱昱本康熙四十三年知縣山陰李瀛修之乾隆三十年知縣豐山張象魏修之四十年邑人劉紹欵又修之光緒戊寅知縣焦雲龍蒞任聞賀復齋恪守程朱力崇正學親造清麓精舍敦請纂修復延邑士紳詳加採訪各富紳亦樂出資助梓其書雖本舊志別爲義例分見各卷一地理二建設三田賦四祠祀五官師六人物七選舉八雜記凡八篇焦令爲之序曰詳畧取舍皆非苟然其大者削寺觀屏異端也著典禮崇正道也黜八景斥附會也去雜文尙謹嚴也凡有論述無非關於世教人心學術治理之大而一裁以儒先之旨至載例監列封贈則又不得已之苦心爲之變通所以嚴其事而爲之勸矣



涇陽縣志三十卷清道光間固始蔣湘南修

按涇陽志創於明成化中邑人御史李錦爲書十二卷嘉靖時知縣連應魁續修萬曆戊寅知縣傅好禮延邑人魏恭襄公學曾作新志其書皆不傳清康熙庚戌知縣王際有雍正壬戌知縣屠楷乾隆丁卯知縣唐秉剛皆踵修之丙戌知縣葛辰又取王唐二志合爲一編道光辛丑知縣胡元煥聘蔣湘南參考同異改弦更張凡得書三十卷分爲六體曰圖曰譜曰考曰畧曰傳而冠之以二紀曰聖製紀曰恩澤紀圖之目二十有三曰地平經緯圖曰縣境圖曰漢池陽縣圖曰後池陽縣圖曰唐涇陽縣圖曰縣城圖曰衙署圖曰學宮圖曰瀛洲書院圖曰龍洞渠圖曰冶渠圖曰清渠圖曰水經注水道圖曰長安志水道圖曰八鄉總圖曰宜善鄉圖曰廣吉鄉圖曰臨涇鄉圖曰甘延鄉圖

陝西藝文志 卷三  
二二  
曰清流鄉圖曰金圭鄉圖曰瑞安鄉圖譜之目有二曰職官譜  
曰選舉譜考之目有五曰沿革考曰大事考曰山川考曰古蹟  
考曰水利考畧之目有五曰食貨畧曰禮制畧曰兵防畧曰經  
籍畧曰金石畧而終以十二傳曰名宦傳曰耆舊傳曰孝友傳  
曰忠義傳曰義行傳曰遺才傳曰列女傳曰方伎傳曰寓賢傳  
又引申凡例條宣見聞取屠葛二志所載舊序錄而存之更爲  
敘傳一篇

涇陽縣新志十六卷清宣統初邑人周斯億等延醴泉宋侍御伯  
魯修

按周志序畧稱涇陽志創自明成化間邑人李侍御至清道光  
辛丑邑令胡公延蔣湘南主筆編訂前後凡經八易同治壬戌  
花門變後屢議修輯未果至宣統庚戌官紳合力始得克觀厥

成云宋序云歲辛亥滇南同年劉子咨疇治涇陽將謀重修邑  
乘以同年周子陔生任編輯賈子彝伯佐之復以余之曾爲史  
官也延主筆削之事辭不獲遂應之志自有明以來凡數易乾  
隆後皆闕如茲復更訂體例賡乾隆朝所不及乃大蒐聚開局  
於前味經書院迺余至商推終始既得端倪乃歸涇陽距醴泉  
僅一日程局使往還齋稿本率五日一週余爲之丹黃其間往  
往宵分燭見跋不能已自二月迄八月全書掇定將付剞劂九  
月二日復迺余至局渡河聞變至則城門已閉呼而入則咨疇  
方登陴誓衆陔生彝伯則經畫民兵止一夕而返自是遂大亂  
咨疇告歸余亦往參軍事而陔生挾其書遯於荒野不復通音  
問矣今春被徵來京師陔生自析津以書抵余始知陔生踪跡  
既復顧余於逆旅述亂離潛焉出涕開橐則鉛印邑志哀然成

帙賦生告余曰此書規模畧具獨例言一篇不存蓋倉皇時佚之瀕行惻惻以弁言相屬余惟邑乘之作凡以著風土表人物而軍事一端獨涇志較他邑爲詳蓋涇陽當同治紀元被兵禍殊慘屋廬薪木今猶赭然今城郭雖完然比歲供億軍實或被亂兵剽掠蕩析殘破殆與同治時無異而賦生藏書亦盡燬噫何涇陽之不幸也然賦生獨挾其志稿間關跋涉卒底有成不使邑中文獻自我而墜賦生之志益苦而其功亦偉矣哉甲寅三月

富平縣志稿十卷清光緒間旌德譚麐編

按富平志創於明萬曆十二年孫恭介不揚成於清乾隆五年知縣喬履信續修於乾隆四十年知縣吳六鰲孫志圖攷傳志凡十條喬志取立山太保暨韓斗山未刻稿本增訂竄易分爲

十四志目較稱詳確吳志距喬較近踵事增華紀載亦備光緒  
十一年恩施樊增祥來宰斯邑甫下車即以縣志爲己任延旌  
德譚西屏主其事方條舉綱目而增祥調長安繼任者爲長山  
焦雲龍滇南劉錕仍屬譚君竟其事爲書十卷首宸翰次地理  
次建置次風土次藝文次金石次經政次人物次節孝次故事  
目凡五十表六一沿革二科目三選舉四仕宦五職官六故事  
表之目二十有五大要以前三志地理疆域雖有圖說而道里  
遠近未詳茲準鄭漁仲地理圖經開方經緯俾幅幘廣表覽者  
瞭如蓋郡縣志首重地理故地志多稱圖經一稱圖志晉裴秀  
作禹貢圖創分率準望法深得古意胡渭禹貢錐指顧祖禹方  
輿紀要其爲圖併計里開方胡氏於虛空鳥道之說尤獨得心  
解茲畫方計里繪總圖一四鄉各一其歷代沿革離析分合之

由則爲表以明之志紀星野相沿已久約著崖畧附入地理中  
仍照熱河志例創立晷度之目晷以測景度以測極景有長短  
極有高低凡縣境日出日入早晚及節氣時刻分秒皆按星度  
表而出之較古法加密焉至所增百年文物凶荒災劫時異事  
殊貞烈節孝奇士偉人則就採訪諸冊詳加檢校俾公是公非  
不致囿於己見而貞魂毅魄亦當靡所怨尤既不失於刻苛亦  
不流於冒濫誠足備採風者之考察已

高陵縣續志八卷清光緒間邑人編修白遇道修

按高陵志肇自明嘉靖辛丑呂仲木先生後三十年先生仲子  
幼開續輯之清雍正十年邑人樊景顏復重加編纂光緒己卯  
白悟齋太史家居詳繹呂志文簡事核訓詞爾雅誠如王阮亭  
所評樊志搜討亦勤而闕漏殊多且合呂志爲一書不見廬山

面目因更輯爲續志體例一本呂志惟不述歷數官職考二篇  
增綴錄一篇爲目十爲篇十二爲卷八首地理次建置次祠廟  
次田賦次禮儀次官師次人物次科貢次宅墓終之以綴錄三  
原賀瑞麟弁其首曰志凡以爲民也地理詳水利所以達民情  
建置謹修舉所以恤民力祠廟絀異端所以正民心戶租嚴經  
界所以憫民窮禮儀明典制所以易民俗官師人物科貢宅墓  
紀善政闡潛德著節烈徵才藝表流風餘韻所以示民則興民  
行而綴錄一篇則又昭炯戒資考覽亦無非敬民事而通民志  
悟齋雖自謂不敢與涇野比然其心固與涇野無異也涇野遺  
書具存蒞官風徽皆本於生平甘貧改過之旨求仁取善之心  
悟齋還朝益以涇野爲師使人謂高陵今日復有續涇野其人  
者志特一端而已

耀州續志十一卷清乾隆間知州旌德汪灝修

按耀州志明宏治時州人張連纂爲書七卷顧於屬內富平同官二縣尙闕嘉靖丁巳喬世寧攷正增益彙爲九篇曰地理曰建置曰祠祀曰田賦曰官師曰人物曰選舉曰紀事曰藝文凡十有一卷於是郡邑掌故悉章章明備矣乾隆二十七年汪牧訪得明季孝廉左重光清初明經宋金柱各有纂續未成之書與同寅紳耆共相採訪延海寧鍾研齋爲之綜覈反覆考辨詮次成書視喬志卷帙稍減而類則仍之光緒時州牧顧曾煊本之以爲華原風土詞云

同官縣志十卷清乾隆間知縣崇仁袁文觀修

按同官志始於明嘉靖時之楊曹州而楊懷來再刪削之但多從耀志竄入語焉不詳萬曆四十六年知縣大梁劉澤遠請邑



紳寇慎纂修凡十卷其目五十有四其言三萬有奇崇禎十三年知縣孔尙標以寇氛簡板半付煨燼又增補之清乾隆三十年文觀以舊志磨滅搜討援据綴闕釐譌復遍歷川巖博採碑蹟期於纖蹟不遺爲卷十爲目六十有五其言七萬四千四百有奇首輿地次建置次田賦次風土次學校次官師次選舉次人物次藝文次雜記卷數雖依舊志而體例稍別如古蹟附於輿地建置先鄉里而後祠祀亦古聖王先成民而後致力於神之意橋梁市集關險附於建置風土另提一綱分以七目巨細畢錄學校綱下備載先賢先儒位次及祭器樂器等官師姓名逸軼据邑人王之滿錄藏之本自明季以後詳核無遺且志美不志惡尤得君子居是邦之義督學鍾蘭枝稱其整贍良有以也

陝西通志卷五十一  
孝義廳志十二卷清光緒間同知灤州常毓坤修

按孝義廳治即古舊縣關自乾隆四十八年由咸寧鎮安藍田分撥地土設立同知向無志乘又經同治兵燹卷案焚燬無從攷稽毓坤到任開局延紳分境採訪編輯仍任鄉紳凡總綱十二細目八十有六分爲十二卷訂爲四冊

甯陝廳志四卷清道光間同知饒平林一銘修

按甯陝舊未設廳乾隆四十八年撥長安石泉鎮安洋縣各山境始設五郎廳嘉慶五年改甯陝廳十一年遭兵燹一切建置事宜冊籍無一存者地處萬山中民居零散不相連續且多川楚各省輻輳之衆詢以古蹟舊事少有能談之者間有一二指點荒碑古蹟皆道遠山高又無文獻可徵一銘蒞任屬各鄉紳士採擇古今事蹟從事編輯一輿地二建置三人物四藝文子

目五十有八榆林楊墀春時主講太乙書院爲之敘云

同州府志三十四卷附文徵錄三卷清道光間固始蔣湘南修

按同州府設始於雍正十三年府志修於乾隆五年至四十六年又有續增然舊志共六十卷分十六門大概取各州縣志彙錄之與類書無異職官選舉等臚列人名又類官簿卯冊不足以垂示典型道光三十年知府漢軍李恩繼崞縣武訪疇滿洲文廉相繼守斯土延河南蔣子瀟先生重修之仿古地理家圖經之法而緯以史例以聖製皇恩兩紀弁諸書首而不列入卷數志以府爲主制度典章均按十屬之憲綱爲次沿革則由古逮今山川則後支先幹職官人物等皆循其所生之朝代而書某州某縣不依今代憲綱蓋通十屬而爲一也定爲圖表志傳四目各以門類分載圖三卷以今代疆域爲準總圖分圖瞭如

指掌又作歷代疆域圖以與紀事沿革表互證於古今形勢可  
以了然表八卷遵欽定西域圖志實測北極高度例用欽天監  
法測算十屬經緯度分爲府屬高弧表沿革大事援景定建康  
志例合爲一表職官選舉有事迹可傳者別爲循吏列傳否則  
載名於表此史記漢書舊例也人物太繁州縣志中傳文亦不  
勝載擇有關係者次爲列傳餘列爲古今人物表以存其名列  
女表亦然爲書十五卷建置田賦祠祀學校兵防風俗物產經  
籍八志用漢書例山川志用山海經水經注例古蹟以考證爲  
主用鄭漁仲通志馬貴與通考中地理門例鄉鎮陵墓寺觀三  
志仍用舊志以其合寰宇記九域志例也金石志則集古錄金  
石考例傳八卷良吏列女二傳多取舊志而益以新採其無實  
事可徵者刪之蓋同州志始自明天啓中大荔人馬樸其時州

未升府所領五縣並無附郭雍正時州升府華州合屬亦歸此  
府知府張奎祥倡纂府志本馬樸同州志明張光孝華州志而  
增以各縣志中書舍人吳泰來又作補遺四卷附張志後其序  
跋具錄序傳中述作志之源流明重修之意指改作苦心昭然  
若揭矣

同州府續志十六卷清光緒間知府恩施饒應祺修

按前志分圖表志傳應祺稱爲整嚴續志仍其舊例惟以前志  
謂同境入井一度十屬廣狹不一分秒仍待剖析因考歷代天  
文律歷之學參以監法西法推析十屬入井分秒繪星野圖列  
星野表以備觀覽前志以漢馮翊治高陵非同州舊志載馮翊  
太守並從刪削應祺謂漢守雖駐高陵而所轄者皆今同屬之  
州縣臨晉夏陽徵衙粟邑重泉旣爲同屬之縣令即不得以馮

陝西藝文志 卷五  
翊太守爲非同州之太守因復補載又倣章學誠永清縣志例於正志外文徵錄後增事錄亦循前志之例而稍變通耳

大荔縣志二十六卷清乾隆間知縣賀雲鴻修

按明天啓十四年邑人馬樸始撰同州志十八卷蓋合一州五縣而共爲一書類今之府志非一縣志所得援也雍正季年升同州爲府別以州地設大荔縣附郭山陰沈應俞宰大荔至乾隆七年纂修縣志凡分卷十有六列目三十有二嗣後知縣賀雲鴻續修之蓋本馬沈二書而加詳曰天文曰地理曰建置曰食貨曰學校曰風俗曰祠廟曰冢墓曰職官曰人物曰選舉曰藝文曰雜記其子目則分四十類於天文有分野地理有沿革疆域形勢編戶山川水利古蹟於建置有城池公署兵弁舖司鎮堡津渡市集於食貨有賦稅蠲賑物產於職官有名宦循吏

於人物有帝系賢能忠烈孝友儒文列女義行人瑞方伎雜傳  
流寓於藝文有文詩經籍碑碣於雜記有記事紀異紀軼祥稜  
都二十六卷畢中丞沅爲之敘時乾隆五十年也

大荔縣志十六卷清道光間知縣宜黃熊兆麟修

按熊志發凡起例仍本蔣湘南所定爲圖十三表四志五傳六  
別編足徵錄四卷附於正志之後道光三十年四月開局七閱  
月告成爲書十六卷

大荔縣續志十六卷清光緒間知縣即墨周銘旂修

按續志悉本熊作各門先列補編或補注而續編次之無所改  
補其最注意者如土地內分闔境爲四十二保而里甲因之鄉  
團因之歲值奇荒仿古人都圖賑法計口授糧亦因之皆銘旂  
試有成效以此增入比熊志尤爲得其鈐鍵義倉旣因荒動用

此後節次勸辦若干石分儲城鄉各廩詳注土地志義倉下差  
徭苦中飽久矣銘旂奉文裁革無名等費民困始蘇故於田賦  
內增敘原委嗣後邊中丞寶泉復加整頓由縣詳請遞減比前  
又稍變亦分注其下並將差局記及札飭遵定章程附文徵後  
藉垂久遠至白馬渠賓興費各碑記一則水利攸關一則文風  
所繫皆補錄之蓋自道光庚戌至光緒己卯歷時雖二十有八  
年而中遭同治元年之兵燹光緒三年之旱荒再經蕩析文獻  
不至無徵銘旂急所先務具見一斑矣

朝邑縣志十一卷清乾隆間知縣錢塘金嘉琰修

按朝邑志自明韓參議五泉後續修者五合韓志而六軼其三  
存其三存者爲韓志邑人王學謨續志清康熙壬辰知縣王兆  
鼐後志韓意取體要每詳其大而畧其細故爲文甚簡續志承



之加備焉至後志八卷綱凡八目五十有五爲最賅乾隆丁酉  
嘉琰蒞任博探遐搜畧無掛漏徵引考據方聚物分首地形錄  
次勝蹟縣尹丞尉簿史錄次歷代著聞人錄次本朝著聞人錄  
次孝行忠義并節烈婦錄次城池公署學校壇廟修建錄次賦  
稅錄次科舉錄次綴錄次修志原流錄爲卷十有一未幾嘉琰  
卒於官舍湘潭朱廷模繼任始付劄云

朝邑縣志三卷志例一卷後錄一卷清咸豐初邑人李元春撰

按元春志意仿五泉河汀志人物欲爲勸懲又專倣河汀言邑  
疾苦自爲私志故不立志館惟延同人兼少俊之公且明者商  
訂採訪悉心審核蓋深恐涉私意不足對天不足信後也例凡  
十曰建置曰設官曰秩祀曰田賦曰風化曰兵防曰河防曰人  
物曰義行曰藝文蓋參史法以爲志法而不盡如舊例乃自爲

例也

華州續志四卷清康熙間郡人劉遇奇修

按華州志創於明隆慶時張光孝王漁洋所稱關中名志之一也凡二十四卷康熙甲子知州蒲坂馮昌奕蒞任延明經劉遇奇續修之體例一遵前志有補遺有增入凡四卷而於四十一里釋名汛防官尤注意焉蓋華爲關中鉅封左控右阻前據後臨地名左馮翊設節度使刺史昔年以華州統轄雒南後領蒲華二縣具有心聯臂應之勢劉子洞悉形勢且以豐原三峪無事爲樵蘇斧斤之場有事則揭竿屯聚之藪躬自探險審勢圖形以爲未雨綢繆計又於各地要害處皆令築堡自州視之星羅碁布山寇竊發號礮一起餘堡響應不須臾而遍四境亦若村樓置鼓遺意劉子建置門併載堡砦說洵留心政治哉

華州再續志十二卷清乾隆間州人史萼修

按續志十二卷自康熙十二年起至乾隆五十二年止廣搜旁採纖悉畢具知州汪以誠序云依例取義一準先民之舊不復另開生面顏之曰再見非創也亦非修也竊自比於續而不攘人已成之功不毀人極盛之名姑附諸再思之意云爾

華州三續志十二卷清光緒間州人劉域修

按華州志自乾隆五十四年續後至光緒壬午殆近百年兼兵荒後士女以節烈著者甚夥劉遇奇續志增烈義一門云見人品風俗之所由昭王化德業之所由成令貽者歛容起敬則傲弗暇豈非觸發感興乎知州濟寧汪丙煦賑務竣後有續華志之議旋奉檄入簾校士不果南召吳炳南下車聘孝廉劉域纂修仍仿前志體例循名核實分輯成稿復經炳南筆削分爲十

二卷名曰三續蓋以前之有創有續有再續也

華陰縣志二十二卷清乾隆間邑人李天秀修

按華陰志創自明雷太史霖續修者趙太守儒迨萬曆間張孝廉毓翰取而刪次之荒畧支離不可爲志矣庶常李天秀每慨百餘年未有繼者釐正補遺另立門類稽古羅今鉅細悉錄歷數十載猶以爲未足其子汝榛續而成之乾隆五十三年畢中丞諭修志乘適桐城張曾埒蒞任延嘉定汪明經照排次付梓繼任開州馬允剛序云星野封域建置陵墓古蹟等皆考據史傳校對無訛而於人物藝文二者載之獨詳獨於田賦一條記載從畧予惟田賦爲民命攸關地方之興廢係焉華邑田少而賦重瀕河之地灘淤不常近山之地石田多蕪至於水田渠道雖多日久湮塞其間有名爲水田而實不得灌溉者有地已灘

淤糧賦猶存者有地本膏腴今爲沙磧者滄桑變遷今昔異情  
因致苦樂不均而訟獄興焉連年累歲案牘山積兼之奸民挑  
釁從中牟利本因苦而興訟及興訟而苦愈甚本爭利以謀生  
乃因爭而生愈艱情有可憫事誠可憾予將考華邑田賦之利  
弊而釐正之以勤其疏濬而正其疆界果能使田賦均則獄訟  
息獄訟息則風俗醇而後人物藝文皆可次第興姑即志之所  
畧者附於末簡云

郃陽縣志四卷清乾隆間武功孫景烈修

按郃陽志明隆慶時知縣葉夢熊創修清順治十年知縣葉子  
循重修康熙四十年知縣錢萬選與其友王或庵更訂新志書  
成而衆不以爲然於是擇存精要爲宰莘退食錄刊以問世乾  
隆三十四年中州席奉乾蒞任聘孫太史酉峯秉筆首地理次

建置次田賦次官師次人物次選舉終以雜記凡七篇分卷四  
閱三月而成書邑人張巖序云質文相麗而脉絡貫通七篇直  
如一篇至其敘事簡明立言醇正皆本諸講學心得者蓋以程  
朱之理爲史漢之文也

韓城縣志十六卷清乾隆間知縣汝南傅應奎修

按韓城志創於明張士佩康熙中知縣康行儻續修乾隆甲辰  
應奎重加編纂卷首序文纂修姓氏目錄星野圖地理圖卷一  
建置古城鎮戍鄉里戶丁市集山水橋渡卷二形勢城池廨署  
兵防驛傳學校公所祠祀古蹟物產風俗冢墓卷三田賦倉儲  
卷四文官表循吏傳卷五科舉表卷六賢良廉能文學武畧卷  
七孝友義行流寓方技仙釋壽民卷八貞女烈婦節婦賢孝卷  
九奏疏卷十序引記卷十一記頌卷十二考辨議論墓志雜文

書後卷十三碑記卷十四詩詩餘賦著述卷十五舊聞舊序卷  
十六古鼎考碑版考其自序云邑志之作雖屬一隅然搜討援  
據卽史臣紀載之義也關中舊志康對山王泮陂則效三輔黃  
圖韓五泉則倣澉水志皆以簡練爲尙特古者地志惟載山川  
形勝風俗物產間舉古蹟以證地之所在非誇多鬪靡資文苑  
之用也至亭臺橋市佛寺道觀名宦人物詩文悉載者惟南宋  
諸志爲然唐人志乘遠不可稽今所見宋時本如朱長文吳郡  
圖經周淙臨安志梁克家三山志范成大吳郡志羅願新安志  
四明志施宿會稽志周應合建康志潛說友臨安志多至十卷  
二十卷或至八九十卷知前賢撰述未可以多寡分優劣也蓋  
縣志欲其詳至府志遞減之省志一統志則更刪削之若邑志  
太簡譬諸登高而望四至雖一指點可盡而峯巒之迴伏林木

之遮蔽川涂之支派終有未甚明悉者是志不敢務繁亦不敢太簡凡可法戒者具列志中將與士民奉爲著蔡焉若徒曰昭往蹟以供見聞奚以志爲哉

韓城縣續志五卷清嘉慶間知縣平遙冀蘭泰修

按續志自乾隆四十八年後至嘉慶二十二年止以傳志爲本名目體例悉仍其舊傳志有援據偶誤者有疏漏宜補者有張康二志所有而傳志未錄者別爲刊誤補遺一卷附續志末惟以王文端公強忠烈公疊荷殊恩天章屢賁恭錄宸翰紀一卷冠於簡首以爲斯土光榮

澄城縣志三十卷清道光間知縣閬中金玉麟修

按澄城縣志二卷始於明嘉靖時石道立韓苑洛馬谿田皆爲之敘清順治六年金陵姚欽明知縣事以邑紳前東光令路世



美澹泊寡營造廬躬請俾任補修姚令稱其商榷時政如披陸公之疏塵念民瘼實同長沙之哭則澄之人民其凋殘於前代之瘡痍者可想也乾隆四十八年知縣戴治重修二冊中丞畢沅因屬洪亮吉爲排纂之縣第一城第二鄉第三山第四川第五廟第六冢墓第七學校第八道里風俗地丁銀糧第九職官第十封建第十一科貢第十二聞人第十三列女第十四經籍第十五金石第十六藝文第十七序錄第十八一以輕重緩急爲先後道光三十年玉麟續修考之路志參以戴志闕者補之冗者汰之謬者正之後者續之并二志爲一志綜其標目各以類從圖一地輿二建置三山川四田賦五學校六祠祀七官師八封建九選舉十封贈十一人物十二列女十三冢墓十四經籍十五金石十六藝文十七而以序錄終焉凡爲卷三十綜其

成者韓刺史亞雄任孝廉葆貞分其任者王孝廉詢虞容明經  
恬楊明經邦靖搜求遺文校正別字者東光七世孫布衣近溪  
也

蒲城縣新志十三卷清光緒間知縣鄆城李體仁修

按蒲城志舊有三一清順治六年知縣綿竹張舜舉修一康熙  
四十六年知縣京山汪元仕輯一則乾隆四十五年知縣萊陽  
張心鏡增補光緒二十三年署知縣秦州張世英毅然以續志  
爲己任籌款六白金書未成而交卸去知縣安福楊效寬延邑  
紳崔主事實仁取張稿而刪潤之將付梓格於衆議而止體仁  
下車邑人原烈即以纂成績志請乃延邑人王孝廉學禮刪繁  
訂誤援古證今其體例概由體仁手定卷首聖製紀皇恩紀卷  
一志地理卷二志建置卷三志經政卷四志學校卷五志祠祀

卷六志藝文卷七志金石卷八志職官卷九志選舉卷十卷十一志人物卷十二志列女卷十三志雜記地理之目八輿圖疆域沿革山川古蹟陵墓風俗物產建置之目八城池衙署公所倉厥堡寨市集驛鋪津渡經政之目八戶口田賦屯衛差徭釐稅鹽法保甲救荒學校之目八學宮學署學額學田學堂考院會館文會祠祀之目四廟壇宮祠藝文之目四經史子集職官先表而後傳表之目八知縣縣丞教諭訓導主簿巡檢典史武職選舉之目十徵辟薦舉進士舉人武進士武舉五貢軍功別途恩蔭人物之目十忠節賢能儒林文學軍功孝友義行耆德方技流寓列女之目八賢孝節婦苦節雙節烈婦烈女刲骨貞壽雜志之目二兵燹祥異曾士剛爲之敘云體例謹嚴紀載詳確雖高古簡括不能越朝邑韓志武功康志之範圍而精審賅

陝西藝文志 卷五  
備且有韓康兩志思議所未及者古今同不同有識者當能辨之

白水縣志四卷清乾隆間知縣順德梁善長修

按白水志創自明萬曆間知縣劉夢陽清順治四年知縣王永命繼之凡爲書三十二篇善長乾隆十六年春蒞任復取兩舊志細加參酌分爲八綱綱繫以目目六十有四其書凡四卷成於十九年夏其凡例有云他志多不載星野謂地屬彈丸於分野何與且古今宿度不必相符主參主并疑而未決又井鬼居南而秦地居西位不相直不如闕之善長謂天地之氣無所不到星光所照不以遐僻遺茲故特首分野併附占驗於後祥異兵寇他志多附卷末其意若有嫌忌不知邑令職司百里所行之得失動關休咎人事變於下天象變於上徵應固不爽也兵

寇之起關乎氣運蓋亦有先兆焉今以祥異次星野而兵寇附  
之用示當先警省之意王志以土產次津梁風俗次典祀義類  
未協茲繫物產於地理者土物之臧否由於地氣之美惡書曰  
惟土物愛厥心臧崇本務實澆風所由息焉且土宜之中俗尙  
亦見故次土產於風俗以見正德厚生二者有相須相成之義  
田賦依賦役全書所載正雜備書以便查考王志以寺觀冠廟  
祠輕重失倫今於其勝概尙存者附載古蹟之後若已湮廢及  
不成規制者皆弗書王志以人物與武功監掾並列又以監掾  
先孝友綱目不辨位置失宜今不復分標名目不拘隱顯祇按  
其世次平叙而人之爲聖爲賢爲孝友爲節義一覽瞭然內有  
父子祖孫兄弟同時顯名者合而敘之欲人念先德繩祖武之  
意又人物冠以倉聖使人知聖賢可爲而追躡芳踪墳墓附諸

陝西藝文志 卷五  
人物傳後骨肉已灰誌銘不朽見雖死猶生之義雜志一門以別傳軼事分爲兩目錯雜之中猶有正旨存焉其自跋又云志者記也記其心之所知之情形於焉審其體辨其類志無餘法矣且於利弊興除所當與斯民切究者悉著於篇信乎其以志爲政事之鵠也

潼關廳續志九卷清嘉慶間同知華陽向淮修

按潼關衛舊屬西安府雍正二年裁五年復設潼關縣屬華州乾隆十三年裁縣置潼關廳屬同州府先是順治丁酉兵備道湯斌謀修關志故臨淄令楊端本於華郡得殘帙多漫漶斷缺乃依據殘卷廣蒐博詢草纂成帙至康熙十四年同知山陰唐咨伯訪求志稿端本以抄本上俾更廣搜細採成書九卷向淮蒞任設局稽訪延諸城王森文編訂始康熙二十五年終嘉慶

二十一年凡紀典禮人物悉遵史通斷限之例間有越載明代及清初並錄舊志所已錄者皆以清朝人物爲主而附所錄於後所以補前志之遺也

乾州志稿十四卷別錄四卷乾陽殉難士女錄一卷清光緒間知州卽墨周銘旂修

按乾州志昉於明郡人宋廷佐崇禎時知縣楊殿元增補之清雍正乙巳拜斯呼朗續修而敍仍冠以楊殿元閱百有六十年而銘旂蒞任以前志六十四門標名繁雜其實遺漏尙多因刪補而更訂之分全書爲四體曰圖曰表曰志曰傳凡爲圖六表三志七傳二中復別分子目各以類從圖學肇於鄭漁仲爲地理言之也地承乎天故星野晷度冠之疆域尤加詳焉先州屬次州境次鄉村開方經緯一披覽而幅幘廣袤歷歷如在目前

史記荆爲年表職方家皆效之茲特彙紀事沿革爲一表俾得參觀互證不致溷淆至職官選舉仿漢書百官表及唐人科場條貫均以年經月緯之法敘之圖舉其畧志著其詳故疆域廣輪旣以繪事明之土地類仍復逐標細目罔有漏遺古蹟即具土地中以所包尙多仍須條分縷析不得不別占一門戶口與日遞增康熙季年以糧載丁戶口即寓田賦內不煩別立專門前志地丁外有屯田無更田今補之他如祠祀典禮攸關次第先後皆依吾學錄編列名宦鄉賢諸祠並詳之尸祝自民而爲祀典所不及者亦一律悉登學校首志儒學文廟載祠祀中學署並同官署載土地之建置中封股之孝例所不旌仍依前志隨時採訪補入俾奇特孤行不致終湮皆本前人義法而會通之三原賀徵君瑞麟序謂乾隆中孫淵如三水志洪稚存淳化



志學問博該文章雅贍能於康武功韓朝邑呂高陵外別出機杼周公茲作殆有孫洪之遺意焉

武功縣續志二卷選舉表一卷沈志摘存一卷清光緒間知縣秦州張世英修

按武功志自康殿撰後迄清代凡四修知縣李紹韓沈華宰武時各有續志嘉慶七年知縣錢汝器滙三志爲一垂成而去知縣新會黃景畧至始付梓知縣秀水張樹勳又取錢志而增損之光緒十四年世英蒞任慨然以志書爲己任因聘邑人馬孝廉用章爲採訪秦安巨孝廉國柱爲纂修而就正於前富平知縣伏羌王權秦州任主政其昌其書首地理次建置次祠祀次賦役次災異次官師表傳次人物人物之類五曰忠烈孝義文學仕宦列女而以沈志選舉表附焉蓋李與錢已無原本沈書

陝西藝文志 卷五  
尙存而板亦毀其中足觀時變而資勉勵爲張志所未收者蓋亦有之附諸卷後庶不沒前人之善又以昭示於來許也

永壽續志十卷清光緒間知縣涇縣鄭德樞修

按永壽志始於康熙戊申知縣南昌張焜乾隆辛亥知縣元和蔣基又輯志餘二卷靈湫志一卷呂公渠志一卷張志去明季未遠創痍未復期於傳信其所論述扶衰救弊之意多蔣志則鋪鴻藻申景鑠馨軒鼓舞矣光緒乙酉德樞蒞任重修之體例悉仍其舊增以採輯首序文圖說及纂修姓氏目錄卷一天象地輿卷二古蹟卷三建置卷四風俗土產卷五賦役祀典卷六職官名宦卷七選舉卷八人物卷九藝文卷十別錄而九十年中之事跡燦然明備已

鳳翔府志十二卷清乾隆間知府達靈阿修

按府志自明正德辛巳知府任邱王江纂輯至萬歷丁丑而巡道梁許桑惟高謀重修之郡守新化鄒廷望遵化王楣迎其意而要其成其書總綱五卷分目七篇篇末各有其說以終綱目之義焉清康熙四十九年知府朱琦因而續之乾隆三十一年達靈阿以前書失考不妨存信以闕疑往事可稽要可訂訛而補缺舉其綱釐爲十二卷紀其目分爲八十餘舊志卷首僅圖疆域城池而泮宮黌序及郡邑名勝概未之及今悉繪置篇端聚沙畫米展卷瞭然賦役舊志多沿明舊額今以賦役全書及乾隆三十年奏銷爲定餘奉裁革者不贅列女以后妃冠首次名媛節烈貞孝各以類附學校爲教化本原風俗之茂人材之興皆由此出非第如城池廨署之建置已也別爲一綱而以書院義學附焉選舉始漢終元凡徵薦科目可稽者悉編次補入

而由明迄今鄉會兩科則別爲年表以著其先後至國學掾吏亦爲進身之階然人數過多惟已出仕者附載餘則否舊志以仙釋列於祠祀後使緇衣黃冠儼與膺祀典者相混今則附於人物卷末祥異以昭徵應稗野以廣見聞前志未列今彙爲一卷以備參考自序所謂堪同綿萁聊佐輶軒是已

鳳翔縣志八卷清乾隆間知縣南城羅鼇修

按鳳翔志明萬歷中知縣李縈創修康熙三十三年知縣王嘉孝雍正十一年知縣韓鏞先後續修總綱十爲卷六乾隆三十二年羅鼇蒞任以乙酉歲詔徵天下府州縣志送入史館達太守糾八屬捐俸有重刊府志之舉於是延同鄉周孝廉光宇寶雞高孝廉捷南本邑劉孝廉驚百續修縣志書凡總綱八細目九十有五釐爲八卷惟舊志卷首但繪疆域城池兩圖而文廟

學宮及境內名勝概從闕如今悉一一測繪列於篇端舊志驛  
舖武備兩項另列今悉列入建置內舊志祠祀列仙釋後使緇  
衣黃冠儼與膺祀典者相混今則祠祀歸建置卷仙釋歸人物  
卷舊志賦役多沿明舊額今惟以當代賦役全書及乾隆三十  
一年奏銷爲定餘奉裁革者不贅舊志名宦多載知縣以上官  
員今並載知縣以下並查載於省志者收入名宦舊志選舉惟  
載明以來科貢今則始漢終元凡徵薦科目可稽者悉編次補  
入而由明迄今進舉貢三項則別爲年表以著其後先至吏員  
一途惟附載已出仕者舊志人物以皇后冠首而宦績忠烈統  
歸經濟一目殊欠允協今別爲宦績忠烈孝友儒行文苑義行  
各目而以后妃公主冠節婦之首舊志人物如唐元載楊炎與  
名公卿並列殊覺不倫今楊炎另置雜傳中元載並不列傳烈

節貞節必擇旌表者始載未曾旌表查核得實者亦許續入藝文擇其有關地方緊要者分別棄取紀事以敘事實祥異以昭徵應雜記以廣見聞今彙爲外記一卷洵可謂正訛補缺汰冗釐紊者也

岐山縣志四卷清光緒間知縣灌縣胡昇猷修

按岐山志明嘉靖己未知縣韓廷芳創修萬歷庚寅知縣于邦棟續修清順治丁酉知縣王穀再續乾隆戊戌知縣平世增續修未竟知縣郭履恆繼之時渭南蔣孝廉兆甲司鐸岐邑履恆囑取胡農部文銓直隸人平令原稿重加編校又以邑孝廉蔡毓章明經吳江參訂篇第凡八目次稍易畢中丞沅爲敘刊行越百有六年至光緒甲申昇猷來宰岐博採周諮分門別類首地理次建置次祠祀次田賦次官師次選舉次人物而終以藝

文凡八篇原原本本考核精詳而於軍興後死事男女及歷舉節孝一事尤三致意焉邑張主政殿元敍云事縱莫詳必載名氏使忠義貞烈之氣鬱而得伸以昭當時之炯鑒樹後日之風聲其用心深且厚矣

扶風縣志十八卷清乾隆間知縣奉新熊家振修

按扶風志十五門圖記第一地記第二戶口城市鄉村記第三倉儲田賦記第四古蹟記第五壇廟記第六寺觀記第七陵冢記第八金石記第九官記第十科名記第十一舊志傳記第十二傳記第十三列女傳記第十四纂志人記第十五名爲熊令所輯實則吳縣內閣中書舍人張塤筆也塤負文名歷修郿縣興平各志與扶風而三洵乎成一家言矣志有纂志人記一篇其畧曰扶風縣志明初纂於胡溫泉再纂於趙仲玉三纂於孫

承教皆邑人此三人所纂崇禎八年城陷燬於寇而承教亦殉  
難死四纂於王玘是爲崇禎十一年書凡十七篇曰建置曰疆  
域曰星野曰地理曰田賦曰公署曰秩祀曰官師曰人物曰選  
舉曰列女曰流寓曰仙釋曰古蹟曰詩賦曰災異曰雜誌今不  
可見見者舊序而已玘邑人崇禎十六年殉流寇之難五纂於  
劉瀚芳是爲順治十六年書凡六篇曰輿地子曰七星野沿革  
疆域山川古蹟陵墓風俗曰建置子曰五城池公署學校壇廟  
寺院曰賦役子曰七里戶稅糧鹽課驛遞物產市集災祥曰秩  
官子曰二名宦官師曰人物子曰七曰先哲名達選舉列女貞  
節仙釋僑寓曰藝文子曰五論疏詩賦碑記題詠雜誌六纂於  
張婁度稍增補亂其頁數未重刊也又有丁復松志稿一册係  
丁所著條告詩文並無頁次又不在此數與玘同纂者扶風知



縣宋之傑開平衛人參政王秉鑑訓導黨國柱俱邑人與瀚芳同纂者縣丞陳允錫晉江人教諭馮文可諸生邱祖唐王萬方趙運新張子瞻皆邑人與婁度同纂者縣丞袁珣羅定人教諭邱奕升渭南人訓導甄憲猷華亭人舉人王晉桓教諭王同嘉諸生馮志仲竇鈞于開泰皆邑人而劉志列同纂姓氏先有孫璽楊瞻孫科王世康蓋溫泉仲玉皆同時人爲扶風知縣者也至乾隆四十六年熊家振則七纂矣

扶風縣志十七卷清嘉慶間知縣臨海宋世榮修

按扶風志輿圖一疆域二山水三橋梁附賦役四土產附城廡五祠祀六陵墓坊表七古蹟八名宦九官師表十人物十一選舉表十二方技十三仙釋十四列女十五紀事十六舊志序十七爲卷一十有七世榮以扶風得名舊矣漢之扶風爲官治長

陝西通志卷三十三  
安夕陰街當今長安縣地東漢治槐里當今興平縣地魏以後  
之扶風爲郡魏仍槐里晉治池陽當今醴泉縣地元魏治好時  
當今乾州地西魏治始平仍當今興平縣地隋治雍州當今鳳  
翔府地唐始以名縣乃武德時析始平所置當今武功興平二  
縣地今縣實貞觀八年改滄川縣而名者也前志以昔扶風所  
屬茂陵平陵之境宇事實爲今扶風縣之境宇事實熊志知其  
失猶以太白山駱谷入今之扶風亦未見其可因撫古訪今參  
互考訂大約唐以前扶風之境宇事實有其舉之存其畧而不  
敢刪庶後之志扶風者有可考唐以後扶風之境宇事實比而  
列之核其實而不敢誣庶後之志扶風者有可繼時嘉慶二十  
有三年也

郿縣志十八卷清乾隆間知縣海豐李帶雙修

按郿縣志三卷八篇九目明萬歷時邑人劉九經撰王文簡公稱之清順治十四年康熙九年雍正十一年知縣陳超祚梅遇張素皆重修焉乾隆四十三年畢中丞飭郿令李帶雙續纂吳郡張舍人墳秉筆都爲十八卷中丞爲之敘稱其文簡事賅中丞又以郿有太白山偶遇旱潦祈禱輒應特請於朝加封號復頒御書扁額詩篇報功崇德超軼前代又郿人橫渠先生爲關中正學之宗二程子稱道於前子朱子表章於後皆宜大書特書特纂靈感錄道統錄爲方州小志之創體宣統元年沈令錫榮以印板剝蝕城池山水等圖內地名方向不可辨畧爲撫拾以補其闕並校正其字清釐其圖改用石印以資考據云

寶雞縣志十五卷清乾隆間知縣浮梁鄧夢琴修

按寶雞志創修於明萬曆時知縣朱炳然繼修於崇禎時知縣

嚴夢鸞清順治初知縣薛光前又加編輯爲卷二十然其書不傳順治十四年知縣周愷續修之康熙二十年知縣何錫爵又修之書僅三卷至乾隆二十七年知縣許起鳳開局蒐輯編爲十卷書倍事詳矣四十八年知縣鄧夢琴又修飾而增損之遂成大觀夢琴先修洵陽志畢中丞敍稱其勤求政本仁和胡侍郎高望亦云讀洵陽志事瞻思深殷然見守官之法焉寶雞志事駭文古斐然見學史之裁焉志者志也讀其書以求其志亦可即其志以徵其所著矣

麟遊縣新志草十卷清光緒間知縣灌縣彭洵撰

按麟遊志明邑人歲貢劉誦創稿萬歷四十六年知縣鹽山崔如嶽授梓崇禎時邑進士劉承纓復加編輯清順治十四年知縣霑化吳汝爲又續修之康熙四十七年知縣鄞縣范光曦增

補書凡五卷光緒九年彭令蒞任蒐羅採輯勒爲新志首凡例  
縣境全圖縣城池圖次志地輿子曰六沿革疆域山川陵墓古  
蹟寺觀次志建置子曰四城池公署祠廟書院次志田賦次志  
官師次志士女卷分上下次志選舉子曰四封贈武功鄉飲流  
厲次雜志次天台山志次志源麟山十二景圖附其體例名目  
次序先後未嘗沿襲舊志官師志勸懲並用則取之康德涵武  
功志又改人物爲士女則取之常璩華陽國志知鳳翔府中衛  
王贊襄敍稱其非學識有素參之太史公以著其潔者不能爲  
也

隴州續志八卷清乾隆間知州南豐吳炳修

按隴州志明以前經兵燹後莫攷今存者康熙元年知州黃雲  
蒸所纂七卷暨康熙五十二年知州羅彰彝續修八卷而已乾

陝西藝文志 卷五  
三十四  
隆三十二年吳炳蒞任以黃志踵訛襲謬其弊有二一則勇於自是一則憚於考古遂至舛誤不可勝言乃條列五十二年後建置田賦官師選舉人物應續入者復蒐討全史并子集諸家凡有關隴地典故悉加槩記參互考證舊志誤者釐正之缺者增補之別爲一書名曰續志仍存舊志八卷不敢沒黃羅二家創始之功也

汧陽縣志十二卷清道光間知縣景東羅曰璧修

按汧陽志原纂六條訂爲一卷順治十年知縣江都王國璋題其書曰石門遺事康熙五十四年知縣宜興吳宸梧續補人物一卷道光二十一年曰璧參考府志鄰志析綱分目敘次有法卷首縣圖次志地理次志建置次志典祀次志田賦次志學校次志官師次志人物次志選舉次志列女次志藝文次志紀事

次志祥異較前志詳且備矣

汧陽縣續志二卷清光緒間知縣長垣焦思善修

按繼焦令者爲潞河李雲生嘉績敘云光緒丙戌焦君令汧撰續志二卷補羅志所闕其次序先後記注煩畧雖未能盡合於古而於數十年兵燹死難及節孝節義紀錄極詳彰善之心可謂勤矣

邠州志十七卷清乾隆間知州張增埏修

按邠志撰自明人閻奉恩至清順治間復加增刊乾隆四十四年州牧王朝爵倡修未成至畢中丞沅再撫陝之五年各郡縣縉紳申請修志署州牧張曾埏視王書條例多仿唐宋人志地理之法乃知爲陽湖孫明經星衍所創因咨訪斯土之城郭學校賦稅賢人列女舊聞軼事依類撰次閱數月而裒然成帙矣

分巡道顧長紱爲之敘云

長武縣志十二卷清宣統間知縣山陰沈錫榮修

按長武故隸於邠明萬曆十一年始割邠之西北一隅置縣至康熙十五年知縣張純儒始創爲志乾隆四十八年知縣樊士鋒欲重修之而常州洪孝廉亮吉來客關中因相與發凡起例從事修輯釐爲十二卷功未竟而亮吉南旋次年延扶風李孝廉秦交參考纂訂至十一月而始竣於縣境沿革山川戶口人物以迄廟寺橋亭等無不備載宣統二年知縣山陰沈錫榮以樊志疆域城池各圖率皆簡畧另爲細繪並加繪牛公祠墓及宜山秀水各圖以備考據邀諭紳耆四出採訪然後核實筆削分門別類寧繁毋簡寧樸毋華遵依體例附諸舊志云

三水縣志十卷清乾隆間知縣浮山葛德新修



按三水志創自明萬曆辛巳知縣秦渠至康熙丁巳知縣林逢泰延邑人文倬天續纂舉邠之幅幘相度星野地理咸繪諸圖而山川田賦人物風俗一皆以類相從爲類十有七每類爲引弁其端總成四卷乾隆五十年葛令始延陽湖孫星衍重修爲書凡十卷爲部十四縣譜一故城二國城鄉鎮亭堡砦三山屬四水屬五城署關橋坊古址六壇廟寺觀墓七職官八地丁錢糧九兵防十名人十一列女十二科貢十三封贈壽民附圖序十四畢中丞沅敘稱星衍所學賅博負一時盛望其文實能考書傳之故事刪舊文之猥冗其以藝文分隸各部及刺取書傳必載所出皆宋元人方志之法藝文則載其有關政事者餘概從闕簡而有法云

三水縣志十二卷清同治間知縣棲霞姜桐岡修

陝西藝文志 卷三  
按同治八年姜令蒞任以葛志爲孫明經所修於林志多所裁去若幽谷考減糧關防等議爲邑志所必不能缺者概從芟薙讀者病之又葛志去今八十餘年無論職官之升調科第之聯翩久而或逸即兵燹後勇丁義士烈女貞媛無罪而委溝壑死鋒鏑者若不及時表揚後有作者亦何由考其姓氏哉爰設局蒐討於林志中偶遺者補之疑者缺之先有而後刪者增之其他田賦戶口祀典職官人物科名忠孝節義分類而採輯之共爲十二卷一切體例悉遵林志先民是程也

淳化縣新志十八卷清乾隆間知縣南昌萬廷樹修

按淳化志明隆慶三年知縣臨湘湯漸聘邑人羅廷秀創修成書八卷至康熙四十年知縣長洲張如錦因羅中丞舊本復增輯之鄂中丞海爲之敍乾隆四十八年萬廷樹宰是邑畢中丞

沅以常州孝洪廉亮吉客長安精於史學屬其延修新志書成  
凡十八卷爲記八爲簿二爲志五爲畧三於古今沿革山川形  
勝以迄道里遠近祠廟興廢數十年來之忠孝節義幽人烈女  
廣搜博採詳加考核中丞又以所見聞而欲訂定者爲增益十  
數條敘稱其詳核可繼宋敏求長安志程大昌雍勝畧云

編纂郭毓章



陝西藝文志卷六

續修陝西通志稿卷一百八十八

藝文六

外編二

省府廳州縣志書二

商州直隸州志十四卷清乾隆間知州王如玖修

按商州志舊本已失其名目之見於續商志者明則有任懷南商畧八卷蕭五溪商州志二卷王伯凡續輯上中下三卷至清順治間知州王靖字訪求舊志僅得王伯凡續輯三册康熙四十年知州王廷伊重爲纂輯名曰續修商志乾隆九年知州王如玖以奉改直隸州管攝四邑又宜統修一志於是搜錄通志參考州屬諸册重加釐正爲志類十爲卷十四約十五萬言分八册頗詳核焉

續商州直隸州志十卷清乾隆間知州合江羅文思修

按文思以王志綜覈未備謬誤相仍乃舉王志之訛缺重加釐訂又集乾隆九年以後事悉依前志編次倣通鑑續編之例名曰續商州志與前志並存焉

雒南縣志十二卷清乾隆間邑人薛馥修

按暢體元重修雒南志敘云雒志有三種曰舊志曰洪志曰李志商城洪其道明萬歷中以進士除雒令雅有儒術其志亦稱善本兵燹變革體元加意訪求止得洪志之半其輯著止萬歷乙未至清康熙癸卯閱六十有九年矣體元纂續採摭四閱月而剗剛告竣乾隆十年邑人薛馥觀察南韶移書邑令范啟源索取舊志及田賦戶口之數而更訂之爲卷十二第一志星野第二志地輿第三表秩官第四志食貨第五志典禮第六志學校第七表選舉第八志人物第九志兵防第十志事類第十一

志藝文第十二外志而於防守政要尤具備焉淩江胡定敘云  
豈特爲一邑圖籍計哉實爲全秦保障計爲天下綏靖計也

鎮安縣志十卷清乾隆間知縣衡山聶燾修

按鎮安舊志久佚清康熙季年漢軍旗武維緒始重修之至乾  
隆十三年聶燾來宰是邑又修之光緒時知縣李麟圖撰鄉土  
志取材此志稱其明備云

商南縣志四卷清乾隆間知縣合江羅文思修

按羅志創於清乾隆十三年志成關中書院掌教李士元爲之  
敘云綜覈詳明條分縷貫簡而該典而公不徒掇拾舊聞編摩  
梗概爲粉飾太平之具也其民貧則積儲以固其本俗少文則  
勵學以觀其成樽節愛養貞志章教淑人心而維世道斯志有  
焉

山陽縣初志三卷清康熙間知縣秦凝奎修

按山陽縣明成化十二年始設清康熙三十三年凝奎蒞任毅然以志乘爲己任成書三卷首縣境衙舍隍廟文廟關廟各圖次星野次疆域其目則交界道路關梁陵墓古蹟八景次城池其目則衙廨街社學養濟院倉武場縣治沿革以上爲一卷次山川其目則嶺溝峪垵岩穴次市鎮其目則堡寨村落義塚義田義井次官師其目則令簿典諭訓巡檢武弁次壇廟其目則祠寺庵院觀浮屠次舖遞其目則遞馬馬夫吏書衙役里甲次戶口其目則流移災祥附田賦鹽茶附以上爲二卷次名宦宦績附次選舉其目進舉貢監賓介耆民生員吏員鄉賢行實附次風俗其目則冠婚喪祭次節孝其目則孝子節婦義士勇士仙釋僑寓物產以上爲三卷



漢中府續志三十二卷清嘉慶知府激浦嚴如煜修

按漢中府志不知創於何時清順治間知府馮達道搜舊志煨燼之餘僅獲版片數塊不能成書乃銳意重加訪輯成書若干卷康熙二十五年滕天綬蒞任延聘名流復成新志二十四卷及嘉慶十三年如煜守漢中以滕志尙多未備復詳加甄採以廣安鄭炳然茂才嘗同作三省邊境山川道路圖南鄭楊生筠孝廉富文學乃以繪圖採訪考訂校閱之事屬之卷中各圖悉準以開方十一域四至八到視他書較詳其他舊志所有者仍之未備者增之始於十六年春至十八年冬共成書三十二卷名曰漢中府續志云

南鄭縣志十六卷清乾隆間知縣溧陽王行儉修

按南鄭舊無專志清乾隆五十九年行儉蒞任始從事纂輯并

屬紳士互相諏訪成徵實撫遺二卷以資采取於是近事益備  
凡九閱月三易稿而書成卷一卷二輿地目則沿革疆域形勢  
山川水利風俗卷三建置目則城池公署學宮壇宇坊表里編  
鄉村市集關鎮津梁驛傳營伍卷四職官目則知縣佐貳教職  
卷五食貨目則地丁倉儲稅課俸工物產卷六選舉目則徵薦  
科貢武科文武仕宦封贈附襲蔭附卷七卷八卷九人物目則  
賢達孝義流寓列女卷十古蹟目則郊垆宮室祠廟寺觀冢墓  
卷十一十二紀事卷十三十四十五藝文十六雜識至於義例  
則散見各卷中云

城固志十卷清康熙間知縣王穆修

按城固舊志明嘉靖四十五年邑人胡璉草創所存不過四十  
餘紙其殘缺可知清康熙五十五年王穆蒐羅討論始丙申之

春至丁酉十月告成相厥川原乃立城署故首輿地而建置次  
之天視民視理有固然故風俗之後及於災祥蓄洩無備旱潦  
洊臻則田卒汙萊維正奚供故食貨而繼以水利設官分職教  
養斯民者也忠孝節義興起斯民者也故官守次之節孝又次  
之太史采風一邑之人文盛衰升降係焉故終之以藝文凡計  
十卷事亦分十類都九萬餘言學政覺羅逢泰敍云王子靜淵  
以雲間名彥作令西鄉更被檄攝理城固篆數年以來經營民  
事籌畫軍需一切出之裕如而退食餘閒不廢觴詠觀其所纂  
城邑新志抑何彬彬也

洋縣志八卷清光緒間知縣張鵬翼修

按洋之斷縣爲志始於明隆慶丁酉知縣閻邦寧清康熙三十  
三年知縣鄒溶訪求遺本僅得十之一二採訪考徵以附益之

爲書九卷首卷之目曰圖舊序批詳徵文獻引延賓啓凡例纂  
修姓氏卷一輿地志目曰星野建置沿革疆域山川形勢古蹟  
墓風俗土產災祥附以兵變僭亂卷二建置志目曰城池官制  
公署學校壇壝祀典祠廟鄉里陂堰關津武備附以坊巷集市  
倉廩獄舍社學約所鄉厲義塚寺觀舖遞漢江灘峽口岸卷三  
食貨志目曰田賦人丁會計經費雜支驛站雜稅鹺務卷四人  
物志目曰職官名宦鄉賢科第貢舉勳爵流寓孝義節烈仙釋  
卷五卷六卷七卷八藝文志目曰詔諭詩賦碑記文告雜文附  
於人物志者更有武職特用武科馳封蔭襲等名類其後光緒  
間蜀西張鵬翼來尹是邦復重修之倣董方立長安志體鈎核  
整比區分絡引正其糾繆補其散亡爲書三十五篇圖二表四  
志十五傳十一作志源流具於敍傳其舊志撰人姓名及其敍

引篇目悉錄之以存曩日規模云

褒城縣志四卷清道光間知縣桐城光朝魁修

按褒城舊志創於明宏治嘉靖時邑人龔塤張棟兩次所修今皆無存清康熙中邑人許欲鉉別創志稿乾隆丁酉署縣事蕭興會重加釐訂分爲輿地建置食貨官守人物藝文六冊道光辛卯朝魁蒞任復取府志參考之爲圖考二曰疆域圖考山川圖考表三曰沿革表職官表選舉表志三曰城署志食兵志文物志傳二曰名人傳列女傳其自序云山縣無藏書邑人士又不肯以所見聞來告姑以己所識憶者刊謄補漏得十之二三云

沔縣志四卷清光緒間邑人彭齡纂

按沔志明萬曆間知縣涿州萬言策創修清康熙時知縣長興

陝西藝文志 卷八  
錢兆沆續修二卷光緒初知縣孫銘鐘屬彭齡重輯之迨羅桂  
銘蒞任而稿成門分類聚凡爲八卷又經拔貢胡丙煊爲之校  
訂釐爲四卷卷一天文志地理志卷二建置志賦役志學校志  
武備志官師志卷三人物志卷四藝文志子目三十有九云  
西鄉縣志六卷清道光間知縣雲安張廷槐修

按西鄉志清順治癸巳知縣張台耀原纂康熙癸亥知縣史左  
重修但掛少遺多未克盡善至五十一年雲間王穆蒞任招民  
墾荒承賦作招來館楚民來西者數千家自是田地日闢又邑  
山大林深多虎患穆禱於神募人射之前後獲虎六十有四患  
以息乃徵文考獻成縣志若干卷嘉慶二十三年廷槐至縣以  
百餘年中所當補採續輯者甚夥於是重加修輯尤於教匪滋  
擾時忠義節烈加意搜訪勦事者爲前任商南令曹珍貴謂近

年水渠堤堰屢濬屢築社倉社穀捐修捐儲又廣設義學重建書院一切束修膏火捐措設法皆宜備志顛末以垂久遠雖體例多法嚴樂園而圖史釐然多可見諸施行矣

定遠廳志二十四卷清光緒間同知平江余修鳳修

按定遠原屬西鄉清嘉慶七年始建設廳治故向無志書至光緒三年修鳳蒞任乃從事編輯倣李元度平江志例恭錄詔諭於卷首別爲總目十有三曰地理曰建置曰賦役曰食貨曰學校曰祀典曰職官曰武備曰選舉曰人物曰五行曰藝文并倣康海武功志例以山川城池之屬併入地理官署市集之屬併入建置祠廟寺觀之屬併入祀典以綱統目以簡御煩爲類十有三爲卷二十有四都二十餘萬言其自敘云定本巖疆幅幘遼闊其間山川形勢道路險夷以及津梁關隘尤宜切實詳明

而窮山邃谷足跡未遍慮難周知其繪圖貼說燦若列眉可謂具千里於尺幅中矣

留壩廳志十卷足徵錄四卷清道光間同知善化賀仲瑛修

按清乾隆十三年以漢中捕盜通判駐鳳嶺是年移駐留壩三十年析鳳縣地爲留壩廳改爲撫民通判旋陞通判爲同知裁通判留壩新建無志司獄陳慶怡履任留心蒐討輯成志畧七卷道光九年湯文端公金釗奉使四川道經留壩索觀而爲之序十五年仲瑛宰褒城兩度兼權廳篆繼由長安令授廳職始取陳志增輯之延固始蔣湘南參互考訂上稽羣史旁徵檔案左右采獲歷有年餘爲圖一卷表二卷志五卷傳二卷又倣章氏和州永清縣二志例爲足徵錄一編曰文徵曰詩徵曰事徵曰異徵詩以類次餘則編年蓋湘南嘗謂方志古名圖經所重



在圖圖必開方而後大小遠近始明斯志意欲復古故於圖尤  
詳每圖皆有說俾覽者心目瞭然史法用表本於龍門其旁行  
斜上無字處皆有文理法最善也斯志故於圖後繼以二表職  
官無事跡者但有履歷可錄大類胥役卯冊非例也斯志用隋  
代官序錄之法以年爲經合文武爲一表以期整齊而廳境沿  
革古蹟多以山川爲據故徵引之書繁於他門史漢序傳皆在  
卷末蓋總全書而述其意指也方志如華陽國志亦然斯用其  
例湘南熟於圖經史法考核眞實發凡起例不敢師心所謂地  
理不移然後故實有據斯志具見一斑矣

鳳縣志十卷清光緒間知縣武昌朱子春修

按鳳縣舊志無存清道光六年邑庠生陳詔得其本於國安寺  
黎家以書中分野山川仙釋流寓人物關梁祠廟土產錯綜簡

畧姑理其緒而集之以待參考咸豐十年知縣郭建本宰斯邑搜得鈔本商之睢陽許步衢刪繁補闕而以勦防附焉凡邑人辦團得力亦多錄其事以示安樂無忘患難也光緒十二年子春蒞任適會典館咨取各郡縣輿圖志而鳳縣迄無以應爰取嚴樂園府志郭豫軒鈔本而增損之延訓導華州段靜丞澍霖共相刪訂十八年書成凡十卷一地理二建置三田賦四典祀五官師六武備七人物八風俗九紀事十藝文其自敘云每於周歷四鄉訪問謠俗其士雖弇陋而皆知禮讓其民雖瘠苦而皆崇質直貧者力穡而不廢先疇富者儉約而不趨浮靡彼此交接純樸不欺偶訟公庭曉譬數言而事遂息同治初鄉團禦寇力保孤城愚夫愚婦殉難若素漢南習尚浮薄而此邑獨純龐若是亦異矣惟是地力瘠薄代田而耕所收不足以償勤動

鄉村僻遠士少觀摩粗習儒業亦不能贍其身家余既憫其苦而悲其陋也昔漢丞相張禹使屬潁川朱贛條天下風俗班固因之作地理志於民質良楛俗尙貞淫三致意焉風俗者政事所緣爲因革如醫者診其病而後施其方藥也風俗誠美民氣誠固雖瘠苦之區涵濡孕育轉移良易倘進而章志貞教興起人才躋風隆古有司之責也余蓋有志而未之逮也

佛坪廳志二卷清光緒間同知銅梁劉煥修

按清嘉慶間設盩厔縣丞於袁家庄轄佛坪屬西安府道光五年廢縣丞割盩厔地設廳治改屬漢中光緒八年劉煥蒞任博覽載籍爲志七篇一地理二建置三田賦四官師五人物六選舉七雜記而以疆域廳城二圖列諸卷首聊存大畧已耳

畧陽縣志四卷清道光間知縣南海譚瑀修

按畧陽志自清雍正年間知縣范昉創修後缺遺尙多乾隆時知縣高瑛苗臨灃先後續纂均未卒業道光丙午譚瑀與嘉陵書院主講閔中黎成德幕友固原白啟華開局續輯始克成書卷一輿地部目則疆域道路關隘八景山川古蹟邱墓市集津梁物產風俗卷二建置部目則沿革地丁雜稅附里甲村莊附城郭衙署監獄附驛舖倉庾學校書院義學附兵防壇壝廟宇寺觀附紀事卷三人才部目則封爵秩官宦績僑寓賢達孝義齒德科名封蔭掾吏貞節卷四藝文部目則頌銘記序辨考詩知漢中府段大章爲之敘稱其仿古史成例分類敘次典核精詳云

甯羌州志五卷清光緒間知州上元馬毓華修

按甯羌明成化間始設州治嘉靖時州牧王齊東始創爲志萬

歷丁酉州牧盧大謨續之清道光十二年知州張廷槐復重修輯爲四卷於教匪滋擾時殉難忠義節烈諮訪較詳而板燬於賊毓華蒞任取殘本更訂之其書分四鄉爲四圖州城控制四鄉別繪一圖棧道則併爲一圖山川關隘市集津梁附輿地志選舉忠孝風俗物產附人物志別立建置一門城池公署學校驛傳附焉又立賦役一門地丁俸工倉儲課稅附焉其俸工驛站領發支解今昔各細數營制添減今昔章程亦皆增入雖體例未盡合宜而官斯土者一展卷而度支出入軍政虛實了然心目所謂前事不忘後事之師已

興安府志三十卷清乾隆間知府昌平李國麒修

按金州明萬歷十一年更名興安州二十四年陞爲直隸州清乾隆四十八年陞置興安府併漢陰立安康縣爲附郭尋陞漢

陰廳爲撫民通判考州志明成化戊戌知州鄭福創修之繼之者嘉靖丁亥鄭琦萬歷乙未胡天秩又丁巳許爾忠至清康熙三十二年知州王希舜重加纂輯而疎訛頗多陞府後吳六鰲曾創府志稿旋告歸未卒業至乾隆戊寅國麒始成書三十卷序次分類義取條貫首地理次建置次山川次食貨次職官次名宦次學校次祠祀次選舉次人物次史事次藝文次古蹟共十有三門其附見各門者亦取事類相近云

續府志八卷清嘉慶間知府上元葉世倬修

按董樸園讀志胙說分刊誤訂誤補遺增封建兵防凡五門清嘉慶十三年世倬蒞任因就樸園咨訪並屬爲續纂體例一遵原志惟增昭忠節烈兩門而教匪蹂躪九載所有陣亡官兵鄉勇以及臨難捐軀之士民婦女粲然備載矣

安康縣志二十卷清嘉慶間知府上元葉世倬修

按安康志紀一編年紀附前代圖三輿地建置水利表四沿革  
職官選舉陣亡官弁兵勇考三地興建置食貨畧一政畧傳四  
人物列女闕訪前志文徵四甲乙丙丁各集初世倬以某年到  
郡因念自立縣來從未議及志乘因延邑人董詔從事編輯而  
諸城王森文來攝邑篆岳舍人震川主講關南書院復以筆削  
事屬之成書二十卷因付劄副知縣鄭謙敘稱言約而事詳思  
精而體大足以信今傳後矣

平利續志十卷清光緒間邑人李聯芳修

按平利志清乾隆二十年知縣武進黃寬始纂其圖說原屬舊  
縣疆域嘉慶癸亥經畧額侯奏請移縣治於白土關道光中城  
固學官史兆熊著有心勸集於忠孝節義科名採錄最詳方欲

補修縣志而丁艱以去光緒辛卯知縣事安福楊孝寬陳請李實齋宮贊主其事提綱挈領區分九門爲十卷首圖考第一分野二地理三建置四田賦五官師六選舉七八人物九物產風俗附十藝文孝寬跋云其地毗連三省僻處萬山爲陝川門戶明季苦於流寇嘉慶厄於教匪同治困於口逆堅壁清野思患預防而五方雜處各操土音雀角鼠牙半屬漢南遺俗吾願都人士敦崇禮義互相維持以漸近於召伯之治則幸甚矣

漢陰廳志十卷清嘉慶間通判苕溪錢鶴年修

按漢陰志始於明成化張令大綸其後袁令一翰張令鵬翺復賡續編輯迨清康熙間趙令世震郝令敬修又修之及改縣爲廳視舊制多所增損鶴年蒞任以表彰忠節激勵士民爲要務乃延董孝廉詔纂書十卷首圖考不列卷次沿革次疆域目則



山堡河渠物產風俗紀事次建置目則城池公署廟壇橋渡寺  
觀次食貨目則蠲賑戶口田賦倉儲義捐次官師目則名宦循  
績次選舉以上各一卷次人物兩卷目則名德忠義孝友列女  
次藝文兩卷目則文詩合爲十卷其自敘云訂補舊章備徵近  
事至若助賑平糶之升斗施粥推衣之數目鉅細備詳誠不免  
考稽米鹽之陋然興仁興讓見於事實竊謂於王制之陳詩納  
賈周禮小行人上康樂和親安平之書似有合焉

石泉縣志四卷清道光間知縣秦州舒鈞修

按石泉志明季燬於兵燹清康熙時邑人張峻蹟所修多所感  
慨而畧於記載與所著悲憤集及詩皆躬歷興亡抒寫懷抱莊  
生所謂寓言者也惜僅存抄本道光二十九年舒鈞蒞任乃刺  
取府志探之紳耆地理紀其大者建置紀其要者祠祀紀其正

者田賦核實而物產昭焉戶口分鄉而保甲寓焉著官師企前賢也存選舉勵後進也人物例遵府志藝文隨事載入至史事則節錄事宜詳附於後蓋欲因時制宜以爲爲政之本也志成署興安府事劉建詔爲之敍稱留心吏治治公事如家事一以好惡同民爲志洵不虛也

紫陽續志八卷清道光間知縣武進吳純修

按金州昔屬興元領縣凡五明正德間因地險山峻巨寇嘯聚辛未歲割金州漢陰之地建立縣治至萬歷三十五年知縣張繼芳始纂縣志天啟五年知縣范宗文繼修清康熙六年常熟朱允治蒞任邑茂才魏正發出其先尙書魏學會所記一册因爲重修其後知縣沈麟又重修之爲例凡八爲目十有七道光十五年知縣陳僅復設局採訪延楊家坤曹學易排次訂正至

知縣事吳純接任而後付梓卷一志地理卷二志建置卷三志  
食貨卷四志職官卷五志選舉卷六志人物卷七志藝文首列  
諸圖陳僅循績素著讀其志猶想見其不敢擾民而壹意措施  
於防盜備荒之政也

磚坪廳志二卷清光緒間通判新都李聰修

按磚坪向屬安康轄境清乾隆四十八年設縣丞一員駐磚坪  
專司緝捕道光二年以三省邊疆山深林密爲盜賊淵藪奏請  
移鳳翔通判於磚坪改設廳治光緒三十一年李聰蒞任創修  
廳志首地理次田賦次倉儲次建置次職官次人物次兵事次  
土產次風俗次藝文凡二卷雖未大備然亦畧有可觀者焉

洵陽縣志十四卷清光緒間知縣穀城劉德全修

按洵陽故無志明萬歷時知縣南兆嘗手葺一編雖考核未盡

博洽然於當日之賦重役煩於邑太息則其軫念民艱具見梗  
概清乾隆中知縣鄧夢琴蒞任延董孝廉詔重修之爲書十四  
卷分十四門攷据詳確徵引繁富光緒二十八年知縣劉德全  
謂宋人州郡圖逢閏年一上歷代纂修例六十歲爲期事恐久  
遠而寢涇詞須詳核而得體乃召集紳耆商訂蒐討分門十三  
子曰三十有五卷帙仍爲十四書成前任興安府童兆蓉敘云  
曰分野曰沿革則表附焉曰疆域則山川渠堰附焉曰建置則  
城池公署義所堡寨關梁橋渡附焉曰學校則營制風俗附焉  
曰壇廟則寺觀附焉曰賦役則蠲賑戶口課稅倉儲物產附焉  
曰秩官則宦績附焉曰選舉則仕宦附焉曰人物則忠義孝友  
仕績學行捍禦任卹耆賓方外流寓附焉曰列女則節婦孝婦  
烈婦烈女女壽附焉曰藝文曰雜記則統兵警察祥異附焉區

分類別有條不紊乃知邑志爲一方政要非徒以典贍賅博飾長吏儒雅之名也

白河縣志十三卷清光緒間知縣興化顧駿修

按明成化十二年始分洵陽東爲白河清雍正七年知縣汪某始創志稿未付劄劂嘉慶六年知縣嚴一青輯成縣志其時教匪雲擾軍務全興未暇詳加釐訂及光緒十七年顧駿蒞任邑人王賢輔李宗麟以修志爲請於是發凡起例從事編輯成書十有三卷賢輔敘云測分野而歸重人事表沿革而詳書古制論形勢而臚列成敗知前事之可師也述溝渠而備載通塞知水利之宜講也因寨堡而推本廟謨詳田賦而仰宣聖澤洋洋乎淵雲之制班范之遺也職官選舉一則政權攸寄治邊鄙者宜視爲變通也一則人材所出居上庠者宜茂厥根柢也舊志

陝西藝文志 卷六  
人物寥寥新志區分類別葑菲不遺創捍禦一門以爲執干者  
勸意深遠矣列女用古法不拘一格登載較多仁令之心公且  
溥矣蓋縣嘗謂康濟民生莫切於災賑救焚拯溺不足以喻其  
急竭半年力將常平社義三倉彌補足數提倡蠶桑之利而於  
鄉曲陋俗青衿佻達壽張尤爲反覆誥誡讀其志可以知其政  
已

陝西藝文志卷七

續修陝西通志稿卷一百八十九

藝文七

外編三

省府廳州縣志書三

鄜州志六卷清道光間知州歙縣吳鳴捷修

按鄜州志創自明萬歷間州人王中丞邦俊爲書二卷清康熙初知州顧耿臣續修爲綱八目六十有三乾隆時州人任明經復創三鎮鄜坊志稿未鈐板道光七年鳴捷蒞任以辛巳大水城郭湮沒在官冊籍悉委巨浸爰就舊志詳加鈎稽同者仍之異者更之缺者綴之繁者節之事必摭實語不嫌樸爲綱四目四十三星野概從刪削方伎概從闕如名勝列諸古蹟寺觀附於祠廟仙釋爲異氏之學風俗物產與延綏諸郡無殊亦不分類編纂惟州城疊經洛水衝塌改築後今昔大相懸絕且河道

西徙沙灘廣狹又殊故仍存舊圖別繪今城一圖鄜郡諸水皆不及洛河與直羅川之大洛又當城北關頂衝受害獨烈因於編次山川下附洛水考又杜工部僑寓羌村懷古者易於混淆因於編次古蹟下附以三川杜宅考地丁照遞年奏銷冊編纂封爵職官舊志訛遺者增正之至十三年成書六卷巡撫鄂山布政使楊名颺敘其緣起蓋鄂楊二公皆曾任鄜牧者也整屋路德時主講乾陽書院亦爲之敘云

見禮華文集

宜君縣志一卷清雍正間知縣吳縣沈華修

按宜君舊無志清雍正六年三原縣丞仁和查遴署宜君篆有志纂輯旁搜遠紹未竣而去八年沈華由陝西通志局校讐來權宜篆就向所訪求參以己見復多所論定分爲三十六類繕寫成帙鹽法道沈青崖爲之敘謂爲治者莫不言因地制宜究



之或得其大概而未悉其纖微或傳其疑似而罔考其洞澈以此見之措施固不能省括命中即留心治務者欲每事鑒辨亦不勝其率此志之輯如縮宜於几案間以供一覽而上下古今盛衰興廢莫不備焉由是而張弛損益各協其地之宜若鑑呈形若燭照夜不勞而集豈非斯志之作大有造於宜者哉青崖纂修通志故言之親切如此

中部縣志四卷清嘉慶間知縣無錫丁瀚修

按中部志明正德隆慶間邑人太僕寺丞劉聰屬稿未定而慶藩左長史劉儒踵而成之凡爲書八卷條目二十一止於萬歷乙亥歲後經闖亂板燬清康熙癸酉知縣李暄延請邑人劉爾擧劉爾怡張鳳翀張鳳翀蘭薰等徵文考獻互相叅訂始成書三卷分二十五條而加詳於萬歷乙亥以後嘉慶十二年知縣

丁瀚續修之爲綱十條目三十有九首縣境全圖縣城圖軒轅廟圖卷一志地輿志建置卷二志祀典志賦役志風俗志職官卷三志選舉志人物志節孝卷四志文藝邑人劉澄牛麟趾張永清李寅生蘭鵬程爲之敘皆自明以來纂修宜志之後裔也洛川縣志二十卷清嘉慶間知縣上饒劉毓秀修

按洛川舊志不詳明萬歷三十年知縣內江蕭九成重修之闕亂後僅存一序清順治十七年藩司陳爌屬朝邑李楷華州東蔭商參訂而萬歷癸卯以後事缺焉復經邑人屈茂才文鳳劉孝廉生韻署知縣岳士楚共相蒐討始得成書二卷分爲八篇嘉慶十一年毓秀蒞任以舊志概多疎畧乃搜訪裒輯先繪輿圖其體例悉依方中丞所訂卷首敘目錄凡例原敘卷一星野附祥異卷二建置附紀事卷三疆域目則鄉里村庄市鎮卷四

山川目則形勝水利關梁卷五城池卷六公署目則鎮防營汛  
行館倉庾驛站鋪遞監獄卷七封爵卷八職官卷九賦役卷十  
學校卷十一祠祀附古蹟卷十二寺觀卷十三物產卷十四風  
俗卷十五封典襲蔭坊表墳墓卷十六名宦卷十七十八十九  
人物卷二十藝文拾遺鄆州牧華亭皂住敍稱劉令爲政有體  
有用故其爲志綱舉目張不必斤斤侈言史裁而凡有關茲邑  
吏治民生罔弗筆之於書而釐然有當也

延安府志八十卷清嘉慶間知府江都洪蕙修

按府志明宏治時知府王彥奇創修清順治十七年知府牛天  
宿康熙十八年知府陳天植皆有續修嘉慶七年洪蕙蒞任爰  
就牛陳舊志而增損修飾之又偕所統十屬相與搜采闕失增  
益聞見凡爲紀一表三考三畧六傳畧六文徵三雜錄一義皆

陝西藝文志 卷一  
取裁於史而叅以鄭漁仲通志之法首紀恩澤昭忠敬也大事  
封建二表於延爲宜而不得以他郡概之也流賊自延起故詳  
其事而編之雜錄至於官師學校選舉賦稅祠祀以暨倉儲屯  
驛里甲關梁不別立門而分隸之六畧此皆舊志所無而義例  
嚴體要其實有度越乎舊志者斯良史之裁也布政使溫承惠  
爲之敘稱其詳而法云

又按膚施縣無志清康熙十八年知府陳天植修府志附載縣  
事及乾隆四十四年續修府志據知縣張子治呈報事蹟冊列  
入欲考縣事仍以府志爲徵焉

甘泉縣事宜二卷清乾隆間知縣新甯玉星燭修

按府志傳畧六前志門乾隆三十一年星燭蒞任四十一年輯  
甘泉縣事宜二卷曰疆域曰形勝曰風俗曰山川曰城池曰公

署曰學校曰廟壇曰倉廩曰兵防曰物產曰職官曰名宦曰選舉曰封蔭曰官業曰孝義曰積學曰貞節曰古蹟曰寺觀曰藝文凡二十二門其自叙云甘泉自唐改建縣治向無勒成志書茲檢閱歷任鈔留殘牒有關邑乘事宜者悉心查考並擇學內諸生屬以採訪復得數十條至于星野沿革各類悉載省府志中他如額征戶口俸食站支鹽課等項已載司頒賦役全書無庸贅叙茲就所得分類鈔錄僅成二卷以備採擇云

延長縣志十卷清乾隆間知縣安化王崇禮修  
按延長舊無志明崇禎中邑人貢生李養仲始著縣事紀畧清康熙中知縣遼東孫芳馨始延貢生樊鍾秀纂脩未成書雍正中邑人郭境阜稍有增輯然體式未備紀載亦淆乾隆二十七年王崇禮蒞任取孫郭二志重加增訂成書凡十卷方輿志第

一曰曰星野建邑疆域山川古蹟八景氣候災祥建置志第二  
目曰城池公署學校倉儲兵制驛鋪鎮堡關梁附綱戶坊表賦  
役志第三目曰地糧戶口里甲鹽課雜課站支解欸食貨志第  
四目曰物產服食器用宮室風俗志第五目曰歲節男女生計  
葬祭宴會祈禳沿習秩祀志第六目曰壇廟寺觀陵墓官師志  
第七目曰封建職官名宦循吏選舉志第八目曰進士舉人貢  
士封蔭職監掾吏人物志第九目曰鄉賢忠烈孝義儒行宦績  
烈女流寓仙釋藝文志第十目曰誥勅奏疏條議誥文示諭記  
序引詩按府志云食貨風俗諸志甚有史裁卷尾間載前志諸  
公評語者不沒前勞也

延川縣志一卷清順治間知縣保德劉毅修

按延川舊無志清順治十七年知縣劉毅始創修焉圖一曰曰

縣境縣城儒學地理志第二目曰建置分野形勢疆域城池山川古蹟風俗宮室志第三目曰公廨倉庫草場牌坊祠廟郵亭鋪舍演武亭集市養濟院義冢學校志第四目曰文廟社學壇壝志第五目曰南壇北壇津梁志第六目曰渡口橋梁田賦志第七目曰戶口田賦里甲課程物產職官志第八目曰官秩考名宦邑令邑博邑尉驛丞人物志第九目曰鄉賢徵辟科目貢選例監孝行貞烈災禔志第十目曰地震蝗虫饑饉水災藝文志第十一目曰題詠碑記爲書凡一卷亦可謂簡核矣每目後皆以己意論斷之其災禔論云旱蝗諸災何代蔑有所恃以積誠感格挽回天變者惟良邑令是賴邑令宰此一方凡一政之失卽違天意一民之瘁亦干天和天人相與之際甚可畏也司牧者盍弗講敬天勤民之義乎古人爲令虎渡河蝗不入境其

化莫不由此尤足發人警省

宜川縣志十卷清乾隆間知縣南豐吳炳修

按宜川舊無志清乾隆十七年吳炳蒞任與訓導王綏極始創修之成書十卷首卷列序及纂修姓氏并各圖其下方輿志第一曰星野氣候附曰沿革曰疆域形勢附曰城池鎮集附曰山川曰里甲曰古蹟曰勝景曰風俗曰災祥建置志第二曰公署曰學校書院附曰倉儲曰關梁曰兵制曰驛鋪曰堡寨曰坊表田賦志第三曰地糧曰戶役曰屯衛曰鹽課曰雜課曰物產祠祀志第四曰廟壇曰寺觀曰冢墓官師志第五曰封建曰職官曰名宦選舉志第六曰進士曰鄉舉曰貢選職監附曰封蔭曰武職人物志第七曰鄉賢曰文學曰孝義曰烈女曰流寓藝文志第八曰制勅曰奏疏曰申詳曰條議曰文曰詩卷末雜記及



後序爲綱八爲目四十有六有相類者附於各條之後而無從歸類者別編雜記一則府志稱其編次頗有條理至四十一年知縣長沙方顯德又續修宜川事冊二卷部分一如吳志無鐫本

保安縣志一卷清順治間知縣大興張嗣賢修

按保安舊無志清順治七年嗣賢蒞任始與邑人教授邊楨教諭劉謙通判王國章貢生王新草創縣志一卷曰地理曰建置曰祠祀曰田賦曰官師曰人物曰選舉府志謂其殊無條理光緒二十四年知縣侯鳴珂續修之爲書二卷分爲六篇曰輿幅曰田戶曰官師曰廟祀曰民質曰物宜又有志餘一卷亦未錄

板

安定縣志八卷清道光間知縣番禺姚國齡修

按安定志明成化中署甘泉訓導朱本善創修於前萬曆中知縣王光祖又作縣大畧一卷而皆不傳清雍正八年知縣歷城吳瑛復創脩之乾隆十七年知縣湖州高士超又脩之曰疆域曰山川曰城池曰公廨曰倉局曰坊表曰橋梁曰恤政曰集鎮曰驛鋪曰官師曰田賦曰人丁曰起運曰存留曰課稅曰倉儲曰社倉曰蠲免曰鹽務曰學校曰古蹟曰土產曰壇壝附寺宇曰風俗曰水利曰節候曰災祥曰兵制曰紀事曰驛站曰選舉曰徵聘曰鄉舉曰續載曰貢選曰將材曰掾仕曰人物曰宦業曰文行曰隱逸曰封蔭曰鄉飲曰忠烈曰孝友曰烈女曰義士曰藝文曰碑記曰鐘銘曰節婦傳曰詩至四十二年知縣新興葉正揚復因高志續修之曰官師曰宦績曰蠲免曰城池曰倉廩曰進士曰鄉舉曰武舉曰貢選曰掾仕曰封蔭曰孝子曰節

婦曰人物曰文行曰義士曰鄉飲曰藝文道光二十六年國齡  
蒞任以葉志不傳乃本高志而損益之屬訓導蒲城米毓璋任  
編輯卷一輿地志目則星野附災祥疆域山川附八景古蹟形  
勢風俗附習尚禮儀歲時節候方言卷二建置志目則沿革表  
城池附樓閣公廨學校附學額學田書院坊表橋梁恤政堡鎮  
附集期里甲附鄉村分兵制驛傳舖司紀事卷三秩祀志目則  
廟宇壇壝寺觀邱墓卷四田賦志目則征賦附稅課戶口附丁  
賦倉儲鹽法蠲免物產卷五職官志目則封建表文官表分令  
尹知縣縣丞主簿典史教諭訓導武官表循良傳卷六選舉志  
目則文科表分徵聘進士舉人副榜拔貢恩貢歲貢孝廉方正  
武科表分進士武舉文職表武職表封贈表恩蔭表卷七人物  
志目則列傳分賢良文行忠烈孝友義行隱逸流寓神異列女

傳分烈女烈婦節婦孝婦卷八藝文志目則奏疏序記銘雜文  
詩繼任知縣韓懋爲之敘云

安塞縣志十卷清順治間知縣翼城李暉修

按安塞明志燬清順治十八年暉蒞任延邑人郭指南趙錫允  
韓一識馬銅從事編輯成書凡十卷一地理曰建置曰分野曰  
形勝曰疆域曰城池曰門禁曰堡墩曰山川曰古蹟曰風俗二  
宮室曰縣治曰公廨曰倉庫曰草場曰牌坊曰祠廟曰郵亭曰  
舖舍曰演武亭曰集市曰養濟院曰義冢三學校曰文廟曰儒  
學曰社學四壇壝曰南壇曰北壇五關梁曰關口曰橋梁六田  
賦曰戶口曰田賦曰里甲曰課程曰物產七職官曰官職曰名  
宦曰邑令曰邑博曰邑尉曰流寓八人物曰鄉賢曰徵辟曰科  
目曰明經曰守將曰寓將曰將才曰孝行曰例監曰方正曰節

烈曰仙釋九災異曰蝗虫曰大水曰夏旱曰大饑曰赤風曰雨  
土曰地震曰水災曰天鼓鳴十藝文曰奏疏曰雜著每篇皆有  
總論其後溧陽任雲書彌勒湯特詔先後蒞任畧有增輯成績  
縣志一卷部分一依李志惟無壇壝關梁災異藝文四部

靖邊縣志四卷清光緒間知縣秦安丁錫奎修

按靖邊舊無志清光緒二十五年錫奎蒞任始延訓導白翰華  
邑貢生辛居乾創脩焉分十二門爲目六十一輿地圖繪疆界  
山水形勝古蹟八景二建置沿革城池公廨廟壇學舍官橋三  
戶口舊牌甲現行保甲附墳墓四田賦雜課倉儲釐稅局附物  
產五風俗習俗歲時六學校學額生息膏火義學七典禮慶賀  
祭禮文廟樂舞文樂牌位祭品鄉飲禮八兵防兵制舊額兵制  
現額糧餉馬政郵驛九職官舊設職官新設職官武職名宦十

陝西藝文志 卷一  
人物鄉賢選舉武科仕宦行誼殉難技藝烈女十一雜志邊牆  
河套中外和耕蒙界租戶蒙俗災劫十二藝文序記稟稿示諭  
及補遺爲書凡四卷初錫奎未通籍時從牛雪樵觀察入蜀襄  
校試卷喜讀康殿撰武功志嗣在籍與續志局喜讀胡可泉秦  
安志壬辰到陝充輿圖總局纂說事尤喜咸長兩縣及定遠廳  
朝邑鳳縣各志又聞涼州郭昌時同治間宰靖有手抄志畧二  
卷深以遍蒐不得爲憾至是乃購求府志及榆郡定邊保安各  
新舊志並搜縣內殘碑遺檔證以故老傳聞旁採類輯無細不  
錄有疑必闕而明經辛天乙多年播越周歷四境其耳目睹記  
之功多所資助是編遂克有成藩司萍鄉李有芬臬司溁陽端  
方兵備道馬相如知府童兆蓉皆爲之敘云

定邊縣志十四卷清嘉慶間知縣東安黃沛修

按定邊舊爲衛所清雍正九年始設縣與鹽場磚井安邊柳樹  
澗稱五城堡乾隆間知縣徐觀海戴元夔先後始創修邑志未  
梓邑諸生劉希周錄其稿而藏之嘉慶間典史會稽宋謙索得  
舊稿呈之知縣黃沛囑與縣丞元和江廷球協同纂輯爰就原  
稿十卷分別部居增修加輯成書十四卷原纂止於乾隆三十  
六年重修至嘉慶二十三年止卷一地理志分野疆域形勝山  
川古蹟風俗歲時卷二建置志設縣城垣公廨倉廩義學郵驛  
稅局塘汛坊表卷三祠祀志壇廟寺觀卷四卷五田賦志恩澤  
土田額賦丁賦戶口茶法鹽法雜稅倉儲物產中外和耕卷六  
兵防志兵制馬政協濟馬匹糧餉驛馬優卹弁兵卷七卷八官  
師志設官職官宦績卷九卷十人物志忠烈孝友節烈義行文  
學者壽鄉飲隱逸方伎釋教卷十一選舉志科第貢生仕宦封

蔭卷十二邊備志邊牆河套沿革禦邊卷十三十四藝文志條  
議詩選雜文碑記而首列城堡疆域總圖塘路圖鹽池圖定靖  
兩縣界址圖焉知延安府元和陳鍾麟知安塞縣錢塘祝淳禧  
訓導洛川董彩虹並爲之叙云

綏德志八卷清光緒間知州曲阜孔繁樸修

按明萬歷間州人趙世勛曾輯州志至清順治間知州偏關王  
元士修之乾隆間知州吳忠誥延州人李繼嶠續修之爲書八  
卷以天地人物分爲四大綱統攝子目畢中丞沅爲之叙光緒  
二十九年知州孔繁樸延州人高維嶽柳恩培馬進修安全文  
等採訪編纂卷數仍舊凡爲綱八目六十五首列諸圖卷一地  
理志目八星野氣候沿革疆域山川形勝古蹟冢墓卷二建置  
志目九城堡壇廟公廨關隘津梁墩阜驛遞寺觀坊表卷三民



賦志目七戶口田賦倉儲鹽法物產祥異蠲緩卷四學校志目  
七學宮學制試院書院義學賓興公車附風俗卷五武備志目  
三紀事陣亡弁勇附建議卷六秩官志目四官制文職武職政  
績卷七卷八人物志目十六選舉武功武科例銓封蔭武畧文  
臣忠孝仕宦文苑忠義孝友敦行者壽烈女僑寓卷八藝文志  
目十一奏疏碑序記書論辨文賦詩雜記署州牧澗池張銘坤  
叙云舊志回亂被燬蒞此土者欲集貲重刊然歛鉅難籌至孔  
牧蒞任七載前後籌貲九百緡有奇始葺厥事曷廢之易而舉  
之難如是耶然嘉道以後事依次編入較舊志固覺詳備矣

米脂縣志十二卷清光緒間邑人高照煦修

按米脂志清康熙二十年知縣遼東甯養氣創輯分門別類文  
簡事詳光緒時高照煦教授榆林手輯續志尙未成書至其子

增融延邑人叅互考定乃底於成卷一輿地目曰分野疆域形  
勝山水古蹟景致卷二建置目曰沿革城池公署學校倉儲關  
寨堡鎮橋梁祠祀墳墓卷三職官目曰歷代職官歷代名宦卷  
四選舉目曰人材進士大挑舉人優貢副貢拔貢歲貢武進士  
武舉文仕宦武仕宦封蔭人瑞卷五田賦目曰里戶丁糧稅課  
鹽法驛站塘汛卷六風俗目曰習尚禮儀時令方言諺語卷七  
鄉賢目曰忠烈孝義廉能儒林文苑勇畧隱逸卷八列女目曰  
節孝貞烈卷九物產目曰穀屬果屬蔬屬藥屬花屬草木屬貨  
物屬禽屬獸屬鱗介屬昆蟲屬卷十記事目曰歷代事蹟歷代  
祥異卷十一藝文目曰詔制勅奏疏表公牘書啓記序祭文墓  
誌誄文雜文詩辭卷十二拾遺目曰釋道方技軼事僭竊共爲  
書十二卷延榆綏道嚴金清爲之叙

清澗縣志八卷清道光間知縣鬱林鍾章元修

按清澗志創修於明嘉靖間知縣阮孝重修於萬歷間知縣陳汝元其書久已無存及清順治中知縣廖元發博采見聞始成書四卷首地理次建置次祠祀次田賦次官師次人物次選舉爲目凡七乾隆中知縣江蘇吳其琰續脩命其子至儼網羅編輯共成八卷道光七年章元蒞此集議開局合以舊本證以羣書訪以遺碑詢以故老芟繁舉要補缺正僞始地理終藝文爲卷凡八起沿革訖詩歌爲目凡八十其自叙云志者記其實也地理志而識廣輪建置志而識興廢祠廟記而知神保之用饗田賦記而知民力之普存職官記而觀感興選舉記而激勸切人物記而溯典型之所在藝文記而覘運會之所趨一方掌故蓋於斯乎畧備矣

陝西藝文志 卷一  
吳堡縣志四卷清道光間知縣南海譚瑀脩

按吳堡舊無志清順治十四年知縣紀克明與邑進士薛蘊芝始創修焉康熙中邑拔貢賈琦雍正中知縣詹紹德邑貢生宋調鼎均有增輯然未付梓道光中知縣楊瑛復加刪訂今所謂舊志者也道光二十七年譚瑀蒞任搜羅舊志遺稿重加釐定脫佚者補之附會者刪之凡成書四卷首繪圖卷一輿地部曰沿革曰疆域附道路曰山川曰古蹟附瑩墓坊表八景卹典曰里甲附鎮市村莊曰橋渡曰風俗曰物產卷二建置部曰地丁附領項雜稅曰城郭曰衙署附監獄曰驛鋪曰倉庾曰學校附書院義學曰兵防曰壇廟附寺觀卷三人才部曰秩官曰科名附例貢雜職鄉飲曰武科附武選捐職曰封贈附襲蔭曰宦績曰鄉哲曰節孝卷四藝文部曰疏日記曰叙曰箴曰詩其自敘

云吳當秦晉之衝要列邊徼之瘠區地雖境埆菽粟蔓延山維  
嶮岼潢汙斷續其賦役則惟正之供無夫馬糗糧之供億其村  
落星羅碁布一二市集則官爲董治無外匪游民之滋擾其他  
一切大差雜差皆官爲捐辦無里局里胥之科派其人之文秀  
者負耒橫經著爲文章類皆簡古拙直無靡曼浮夸之習其椎  
魯者服田力穡歲終所入亦足贍其室家其俗皆土著無五方  
雜處之徒以相與煽惑而作慝然則吳堡之在陝北自道光時  
已成樂土樂郊矣

榆林府志五十卷清道光間知府南城李熙齡修

按榆林自清雍正九年始設府治百餘年來殊無記載道光十  
九年熙齡蒞任以譚吉璉延綏鎮志考核雖詳而範圍甚廣續  
鎮志稿及府志稿又攷核未確爰始徵文考獻悉心搜輯成書

陝西藝文志 卷一  
五十卷亦云詳矣其書卷首凡例攷案卷一繪圖曰曰星圖疆  
域圖城圖邊防圖卷二沿革表曰曰歷代郡縣源流表卷三卷  
四輿地志曰曰分星疆界附邊界形勢山川古蹟景致卷五卷  
六卷七卷八建置志曰曰關隘津梁村堡公署學校祠祀附寺  
觀墳墓卷九紀事志曰曰歷代紀事卷十祥異志曰曰歷代祥  
異卷十一德音志曰曰巡幸附前代巡幸恩澤附前朝恩澤卷  
十二封建志曰曰前代爵邑卷十三十四十五十六十七職官  
志曰曰前代文武職名近代文職名近代武職名附裁革文武  
官舊制卷十七十八十九選舉志曰曰進士舉人副貢拔貢薦  
辟文仕宦武進士武舉人武仕宦封典恩蔭卷二十二十一兵  
防志曰曰營制驛傳軍器臺汛附邊防卷二十二食貨志曰曰  
戶口徵賦稅課倉儲附產鹽茶法物產卷二十四風俗志曰曰

習尚禮儀附歲時市集方言卷二十五二十六二十七二十八  
名宦志目曰前代政績合編近代政績分編前代忠節合編近  
代忠節分編卷二十九三十三十一三十二三十三三十四三  
十五三十六三十七人物志目曰前代鄉賢合編近代鄉賢分  
編前代忠節合編近代忠節分編前代孝義合編近代孝義分  
編人瑞附耆壽列女隱逸流寓釋道雜傳卷三十八三十九四  
十四十一四十二四十三四十四四十五四十六四十七四十  
八四十九五十藝文志目曰詔勅制表前代疏近代疏議書序  
記雜文頌銘墓志祭文御製詩附御書前代詩近代詩凡五十  
卷關中書院主講涇陽孫念祖爲之叙曰體例詳明不支不漏  
非良史才烏能辦此

葭州志十一卷清嘉慶間知州漢軍高珣修

按葭州清雍正初爲直隸州領神木府谷吳堡三縣乾隆元年  
罷直隸與神木府谷二縣並隸榆林府而以吳堡縣轉屬綏德  
州知州事濟甯王石潤創有志稿未付剞劂嘉慶間鐵嶺高珣  
蒞任延學正龔玉麟吏目董元芳取前志重加編輯冗者刪之  
遺者增之凡爲書十一篇一天文志目曰星野氣候二地理志  
目曰圖記沿革疆域城池鄉村山水古蹟勝景物產三建置志  
目曰官署倉儲壇廟寺觀關梁驛鋪坊表街市四官師志目曰  
職官知州學正吏目駐防名宦五田賦志目曰地糧戶口稅課  
起運存留軍屯兵制六學校志目曰文廟學署書院七選舉志  
目曰文武進士文武舉人副榜貢生薦辟例職封贈鄉飲八人  
物志目曰鄉賢孝子節婦文學九風俗志目曰習尚婚禮喪禮  
葬禮祭禮宮室服食十藝文志目曰舊志序舊志記詩詞歌賦



十一雜記志目曰仙釋災祥塚墓其總例云仰觀天文俯察地理星野固有一定之局地理不無參差之殊則詳星野者不能不辨地理有地理然後有建置建置宜而官師之位定焉居官莫先於養民尤莫先於教民故田賦與學校並重學校興而選舉出人物盛此藝文之所由美風俗之所由淳歟至若世故多變物情愈奇雖無關於體要亦可資乎觀覽則更以雜記統之至光緒中知州事宜陽李壽昌復有重修州志一冊附於末卷神木縣志八卷清道光間知縣蕭山王致雲修

按神木爲古麟州治昔隸葭州近屬榆林自設縣以來無志可攷清道光二十一年王致雲蒞任得抄志四本於藏書家未著姓名不知出自何人之手第錯雜脫畧不足以付梓乃延仁和增生朱堦爲編輯教諭薛蘭臯遴選諸生十二人分途採訪十

閱月書成首圖說卷一卷二輿地志目曰總論分野疆域沿革  
附紀事巡幸山川附橋渡古蹟附冢墓勝景歲時物產風俗冢  
地附鹽鹼卷三卷四建置志目曰總論城池附街道堡寨邊維  
附牌界衙署學校書院附義學兵防驛傳附舖舍壇廟寺院坊  
表市集里甲地畝戶口民賦倉儲解支恤政鹽政茶政卷五卷  
六人物志目曰總論職官宦績邑宦鄉賢選舉附學額鄉飲忠  
烈孝義貞節隱逸附流寓方外卷七卷八藝文志目曰總論勅  
諭碑記詩詞凡八卷延榆綏兵備道郭熊飛知榆林府李熙齡  
皆爲之敍云

府谷縣志四卷清乾隆間知縣長白麟書修

按府谷志創於清乾隆四十八年爲卷四爲門三十有二畢中  
丞沅稱其編次井井勿漏勿支若網在綱如農有畔至其隨地

隨事徵引攷據尤見其平日乃心公事在在引爲己責務爲其可傳而後辨晰明確至於如此其致力亦良勤矣

懷遠志四卷清道光間知縣山陰何丙勳修

按懷遠在明爲堡屬榆林衛中路清雍正九年始改爲縣乾隆初知縣鬱林蘇其炤始創修邑志爲書三卷二十四篇至道光二十二年丙勳蒞任閱蘇志字跡漶漫因議重刊復就見聞所及與夫案牘可稽者考核增入或叅載於本門之中或附見於諸條之後續纂成編爲卷凡四爲篇凡三十其卷一曰圖譜天文歲時氣候地理山川疆域城堡附邊牆建置祠廟附寺觀鄉村附橋梁卷二曰賦役徵收稅課種植物產市集名勝風俗卷三曰官師卷四曰人物選舉名宦封錫恩蔭紀事兵制郵驛邊外蒙古知榆林府李熙齡叙云明季屢遭兵燹居民不靖今承

平日久中外一家居土著者計七百九十村居火盤地者計四百七十九村戶口頗庶而民風醇樸於五屬爲最厚惜乎僻陋之壤民貧而少文是在司牧者優游涵濡俾耕作之戶知所蓋藏咕嗶之儒勤於講貫庶幾富教之效於斯邑見之焉